

蓮宗寶鑑

風陵文庫

文庫19

F 223

2

0 1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33

廬山蓮宗寶鑑卷四

東林蓮宗善法祖堂勸修淨業臣僧普度謹編

念佛正派篇第四

念佛正派說

下具二
十一章

佛由心造。道在八引。引道之要。無先乎念佛。念佛則是正心。正心故能合道。道之宗極曰佛也。佛者覺也。一切衆生。有此本覺之性。因一念有差。所以不覺。裴相國云。終日圓覺。而未嘗圓覺者。衆生也。具足圓覺。而住持圓覺者。如來也。是故薄伽梵成道。摩竭提說。有談空。觀根逗教於諸法之外。別開念佛一門。截衆

苦之根源。入聖流之要路。故經云。從是西方過十萬
億佛土。有世界名曰極樂。其土有佛。號阿彌陀。國中
無三毒八難。有七寶衆妙莊嚴。以法爲身。羣聖爲友。
苟能誠信發願歸心。彼土者。卽得往生。出乎三界九
有之表。證諸佛無上妙道。其言無所欺也。粵自大教
東流。至佛圖澄而盛。由澄而得道安。安之門有遠公。
戒珠義海。龍姿鳳章。於是教門綱紀。從茲大備。師著
念佛三昧詠親勸。於時晉賢慕師之德。爭趨正覺之
場。同究斯道。名動帝王。道遵一代。彌天推爲高弟。羅
什結爲勝友。識量廣大。獨出於古今矣。至夫抗言爲

道。爲萬世宗師。垂裕於人天者。遠公也。隋有智者。魏
有曇鸞。唐有善導。大振宗風。宋有坦公。疏詮甘露。省
常結社。慈覺勸修。壽禪師融萬善以同歸。元宗主撮
諸經而成懺。廣施方便。曲成慈悲。故我祖師。欲令大
地衆生。見本性彌陀。達唯心淨土。普皆覺悟菩提之
妙道。乃立普覺妙道四字爲定名之宗。觀夫四字一
鏡。洞照無邊。同一體用。何以知其然。總而言之。喻如
人之一身。而有頭目手足爲其用也。未嘗有一而可
分也。自非願廣悲深。而孰能取信於天下後世哉。竊
嘗論之曰。等衆生界名曰普。智達斯理名曰覺。德用

無邊名曰妙。于聖履踐名曰道。又普者。卽自心周徧十方之體也。覺者。卽自心智照不迷之用也。妙者。卽自心利物應機之行也。道者。卽自心通達中正之理也。恒沙諸佛所證者。此道也。歷代祖師所得者。此道也。十方生淨土者。已學此道也。未來修行者。當學此道也。又況諸佛菩薩。示現世間。作大導師。各有悲願。不捨衆生。或爲王臣將相。居士宰官。出俗在家。逆行順化。莫不以斯道而覺斯民也。三界羣生。輪轉飄末。至於今日。往來六道。如蟻旋磨。無有出期。大覺垂慈。故設方便。以誘導之。俾夫趣吾之所趣。吾之所趣者。

非六道。非三乘。乃如來正覺之趣。得吾所趣之道者。亦以此道化乎未趣。趣此所趣。譬如一燈燃百千燈。續燄分輝。騰今耀古。此念佛之宗。正心之法。正夫羣生。歸夫正道者矣。彼彼相傳於無盡。故名無盡燈也。普覺妙道之說。豈徒言哉。蓋謂人人皆可作佛。不以僧俗之間。不以利鈍之分。無彼此。無高下。等一性而已。得之爲悟。失之爲迷。同一理而已。迷而爲凡。悟而爲聖。迷者事隔。理不隔也。失者自失。性不失也。是知修念佛三昧者。則是正其心也。此心正則性順理也。得性順理。則六塵不能染。萬境不能移。動用於一虛。

之中寂寥於萬化之域。不動本處而周遊十方。超乎極樂之地。升乎寂光之堂。居乎涅槃山頂。朝乎無上法王。普覺妙道。正心之義。其至矣乎。不知此義者。功何所施。智何所發。譬彼無目之人。昧於日月之光。履於重險之處。墮坑落塹。可勝紀乎。噫。去聖時遙。人多謬解。雖其正道。悉陷邪宗。庸昏之徒。含識而已。致使羣邪詭惑。詭黨並熾。是非蜂起。空有云云。夾截虛空。互相排毀。有着於事。相不肯捨者。有順於應緣。不自覺者。有守枯木而言定者。有恃聰明而稱慧者。有奔走非道而言能者。有假於鬼神而言通者。有身心放

曠而言無礙者。有口耳潛傳而言秘訣者。有執我宗普字覺字者。有言彼宗妙字道字者。是皆私偷此鏡。入彼邪域。致爲塵垢蔽蒙。不明宗體。雖得此鏡之名。而不得其用也。殊不知慈照立此四字。深有意焉。昧者不知。執之失度。況又有言。在家爲彌陀教。出家爲釋迦教者。自尊爲祖。執法爲宗。存彼此之執心。觸途成滯。局偏邪之劣解。是已非他。使我曹爲佛祖後裔。而不能破其執。遣其惑。則何以揭慧日於昏衢哉。痛心佛祖。慧命懸危。甚於割身肉也。念報佛祖深恩。寢食不遑安處也。念諸方佛子。錯路修行。不啻倒懸也。

雖未能盡古人之萬一。然此心不欺也。予嘗切切於
是。謹按高僧傳記。遍求前哲真踪。究其源。摘其實理。
之所當事之所存者。集而出焉。虧者補之。冗者削之。
隱者明之。斷者引之。庶千載之下。修淨業者。因言思
道。飲水知源。識古聖之遺風。體先宗之標格。紹隆佛
種。光闡徽猷。壽慧命於無窮。傳真燈而有永。前不云
四字一鏡。洞照無邊乎。體斯道者。慎勿忽諸。

遠祖師事實

正派

師諱慧遠。雁門樓煩人。今河東代州。姓賈氏。生於石
趙。延熙甲午歲。爲晉成帝咸和九年。師十二歲。從舅

氏令狐遊學許洛。博通六經。尤通周易莊老之書。一
十一歲欲渡江。與范宣子俱隱值中原。兵戈塞路。聞
道安法師居太行山。遂與弟慧持俱投之。聽講般若
經。豁然大悟。歎曰。儒道九流。皆糠粃耳。與弟投簪落
髮。常以大法爲己任。安歎曰。使道流中國。其在遠乎。
孝武帝太元九年。至廬山。以杖卓地曰。有泉當住。忽
泉迸出。乃誅茅爲菴。講涅槃經。感得山神獻靈。資助
材木。雷雨闢地。江州太守驚其神異。奏立東林寺。名
其殿曰神運。太元十一年。寺成。師以東南經律未備。
禪法無聞。乃於寺內。別置禪室。請一禪師。率衆習禪。

令弟子逾越沙漠求禪經。庶江表四輩咸皆得以修習。願使大乘之化自北而南。每謂禪法深微。非才莫授。入道之門。功高易進者。念佛爲先。師徒衆往來三千。真信之士。一百二十三人。乃與劉遺民等。十入賢爲上首。於無量壽佛像前。建齋立誓。同修西方淨土。結白蓮社。遺民著發願文。師自製念佛三昧叙。謝靈運恃才傲物。一見師。肅然心服。鑿池種蓮。求入社。師以心雜止之。山多蛇。有行者不知何許人。嘗侍於師。善驅蛇。至今號辟蛇聖者。師所居流泉。而寺下入虎溪。每送客以溪爲界。時陶淵明陸修靜師嘗送之。語

道契合。不覺過溪。相與大笑。後世因傳三笑圖焉。時羅什法師通書稱師爲東方護法菩薩。外國衆僧咸稱漢地有大乘道士。每燒香禮拜。東向稽首。獻心廬嶽。姚主欽承道德。信向連接。晉安帝隆安元年。桓玄勸帝沙汰僧尼。謂廬山爲道德所居。不在搜簡。師以書抵玄。得並免。元興元年。玄又申庾冰之議。欲沙門盡敬王者。復以書辯論其事。遂免。安帝自江陵旋京。輔國何無忌勸師候迎。稱疾不起。帝遣使勞問。師表以聞。帝優詔答之。義熙乙卯十一月初一日。師入定。至十七日出定。見阿彌陀佛。紫磨黃金身。徧滿空界。

龍舒淨土文載遠公三觀聖相。沉厚不言。師三十年影不出山。跡不入俗。丙辰八月初一日示疾。至六日困篤。大德者舊請飲。酒不許。又請以蜜水。乃命律師檢藏未見。而集諸徒遺戒曰。吾自知命之年。托業此山。自審有畢盡之期。乃絕跡外緣。以求其志。不覺形與運頽。已八十三矣。時至欲厝骨於松林之下。卽嶺爲墳。與土木同狀。此古人之禮。汝等勿違。苟使神理不昧。庶達其誠。大哀世尊。亦當祐之以道。言訖而逝。門人與潯陽太守及官屬奉全軀葬於西嶺壘石而塔焉。安帝謚廬山尊者。鴻臚大卿白蓮社主。凝寂

之塔。謝靈運立碑以銘其德。張野序之。有匡山集十卷行於世。

遠祖師歷朝謚號

晉安帝義熙年謚廬山尊者。鴻臚大卿白蓮社主。

唐大中戊辰年謚辯覺大師。

南唐昇元三年謚正覺大師。

宋太平興國三年謚圓悟大師。

宋乾道二年謚等偏正覺圓悟大法師。

明教大師題遠祖師影堂記

正派

遠公事蹟。學者雖見。而鮮能盡之。使世不昭昭見先

賢之德亦後學之過也。子讀高僧傳蓮社錄及九江新舊錄。最愛遠公六事。謂可以勸。乃引而釋之。列之其影堂。以示來者。陸修靜異教學者。而送過虎溪。是不以人而棄言也。陶淵明耽湎於酒。而與之交者。蓋簡小節而取其達也。跋陀高僧。以顯異被擯。而延且譽之。蓋重有識而矯嫉賢也。謝靈運以心雜不取。而果殂於刑。蓋識其器而慎其終也。盧循欲叛。而執手求舊。蓋自信道也。桓玄振威而抗對不屈。蓋有大節也。大凡古今人情。莫不畏威而苟免。忘義而避疑。好名而昧實。黨勢而忍孤。飾行而畏累。自是而非人。孰

有道尊一代。爲賢者師。肯以片言而從人乎。孰有宿稟勝德。爲行耿潔。肯交僻鄉而高其達乎。孰有屈人師之尊。禮斥逐之客。而伸其賢乎。孰有拒盛名之士。不與於教而克全終乎。孰有義不避禍。敦睦故舊。而信道乎。孰有臨將帥之威。在殺罰暴虐之際。守道不撓。而存其節乎。此故遠公識量廣大。獨出於古今。若夫荷負至教。廣大聖道。垂裕於天人。非蒙乃能盡之。其聖歟。賢耶。偉乎。大塊噫氣。六合風清。遠公之名聞也。四海秋色。神山中聳。遠公之清高也。人龍僧鳳。長揖巢許。遠公之風範也。白雲丹壑。玉樹瑤草。遠公之

棲處也。蒙後公而生。雖慕且恨也。瞻其遺像。稽首作禮。願以弊文書於屋壁。

廬山十大賢名氏

遠公祖師 諱慧遠 姓賈氏 雁門樓煩人

承法師

諱慧承 姓繁 河內人

持法師

諱慧持 遠公弟也 與兄俱事道安法師

生法師

諱道生 出魏氏鉅野人 客居彭城 世衣冠

佛陀耶舍尊者

此云覺明 罽賓國婆羅門種

佛陀跋陀羅尊者

此云覺賢 甘露飯王之裔

叡法師

諱慧叡 冀州人

順法師

諱曇順 黃龍人

敬法師

諱道敬 琅琊王氏 隨祖凝之 守江州

恒法師

諱曇恒 河東人 童子出家 不知姓氏

曷法師

諱道曷 潁川陳氏

詵法師

諱曇詵 廣陵人 不知姓氏

劉遺民

諱程之 字仲思 彭城聚里人 漢楚元王之後

散騎常侍雷公

諱次宗 字仲倫 南昌人

太子舍人宗公

諱炳 字少文 南陽人

治中張公

諱野 字菜民

散騎常侍張公

諱詮 字秀願 菜民族也

通隱處士周公

諱續之字道祖雁門廣武人

貫休禪師題十八賢影堂詩

白藕池邊舊影堂。劉雷風骨盡龍章。共輕天子諸侯貴。惟愛吾師一法長。陶令醉多招不得。謝公心亂入無方。何人到此思高躅。風點苔痕過短墻。

辯遠祖成道事

正派

禮記曰先祖無美而稱之者是誣也。有善而弗知者是不明也。知而不傳者是不仁也。此三者君子之所恥也。噫。在吾學佛之徒。豈不然耶。吾祖遠公。行位昭昭。功德廣大。愚忝與其教。爲末流之裔。不肖孤陋。學

淺才疎。未能紹襲先宗實。乃有孤慈廕。嘗讀明教記。不亦甚慙乎。又嘗觀石室琇禪師通論云。去孔子百年而有孟子。是時孔子之道幾衰。孟子於是力行其道而振起之。伏自佛教東流。凡三百年而有遠公。是時沙門寢盛。然未有特立獨行。憲章懿範。爲天下宗師。如遠公者。佛道由之始振。蓋嘗謂遠公有大功於釋氏。猶孔門之孟子焉。與高僧朝士。同修淨土。道動帝王。法流天下。後之所習念佛者。不知吾祖之本末。失其源流。多見世之薄福闡提輩。僞撰廬山成道記。裝飾虛辭。盡是無根之語。誑惑善信。遍傳在人耳目。

遂今不能改革。予乃參考大藏。弘明集。高僧傳。察其詳要。畧舉七事。以破羣惑。識者鑒之。遠公禮太行山道安法師出家。妄傳師栴檀尊者。一誑也。妄以道安爲遠公孫者。二誑也。遠公三十年影不出山。足不入俗。妄爲白莊劫擄者。三誑也。晉帝三召遠公。稱疾不赴。妄謂賣身與崔相公爲奴者。四誑也。道安臂有肉釧。妄爲遠公者。五誑也。臨終遺命露骸松下。全身在西嶺。見在凝寂塔。可證妄謂遠公乘彩船升兜率者。六誑也。道生法師。虎邱講經。指石爲誓。石乃點頭。妄謂遠公者。七誑也。悲夫世之姦佞。不知祖師實德。道

聽途說。妄裝點許多不遜之事。播醜於後世。取笑於四方。謗瀆聖德。識者見之。不察其所由。得不輕侮於吾祖師耶。豈非出佛身血。五逆罪乎。嘗觀宋元嘉中僧才觀。惠嚴。謝靈運。翻涅槃經。增損其辭。因夢神人訶之曰。敢以凡情。輕瀆聖典。觀等懼而止。又惠琳以才學幸帝。時號黑衣宰相。自著白黑論。毀佛教。卽感惡疾。膚肉糜爛而死。夫如是。則妄造祖師傳記。三途地獄。可不懼乎。凡吾同志。羣審遠公實跡。從本至末。痛告諸方。光揚祖道。庶先聖之屈於斯雪矣。

壁谷釋曇鸞大師正派

曇鸞大師少遊五臺。識其靈異。遂乃出俗。三乘頓漸。具開定慧。嘗稱疾行。至汾州。俄見雲陰陡盡。天門洞開。六欲階位。上下重複。鸞方瞬目。疾乃隨愈。鸞於是切用心佛道。常如不及。開蒙誘俗。無間遠邇。初鸞好爲術學。聞陶隱居得長生法。涉遠就之。陶以仙經十卷授鸞。鸞躍然自得。以爲神仙之術。其必然也。後還洛下。遇菩提留支。意頗得之。問支曰。佛道有長生乎。其能却老爲不死乎。支笑而對曰。長生不死。吾佛道也。卽以觀無量壽經授之。曰。汝可誦此。則三界無復生。六道無復往。盈虛消息。吉凶成敗。無得而生。其爲

壽也。有劫石焉。有河沙焉。沙石之數有極。壽量之數無期。此吾金仙氏長生也。鸞承其語。驟起深信。遂焚所學仙經。而專觀經焉。每於觀經。得其義理。修三福業。想像九品。雖云寒暑之變。疾病之來。不懈於始念。魏主憐其志尙。又嘉其自行化他。道業弘廣。號爲神鸞。勅住并州大嚴寺。未幾移住汾州。玄中寺。一夕鸞正持誦。一梵僧軒昂而來。入其室。曰。吾龍樹也。所居淨土。以汝有淨土之心。故來見汝。鸞曰。何以教我。樹曰。已去不可及。未來未可追。現在今何在。白駒難與回。言訖而失。鸞以所見勝異。必知死生之期屆矣。卽

集弟子數百人。盛陳教誡。言其四生役役。其止無日。地獄之苦。不可以不懼。九品淨業。不可以不修。因令弟子齊聲高唱阿彌陀佛。鸞乃西向。瞑目頓顙。而示滅。是時道俗同聞管絃絲竹之聲。由西而來。良久乃寂。

天台智者大師正派

師諱智顛。字德安。姓陳氏。潁川人。母徐氏。夢香煙五彩。繞身有孕。誕生之日。神光煥室。目有重瞳。眉分八彩。孩幼見像。即禮。逢僧必拜。十八歲投湘州果願寺出家。誦法華經。兼通律藏。性樂習禪。遂往大蘇山禮

慧思禪師。北面事焉。思師一見。乃曰。昔日靈山。同聽法華。宿緣所追。今復來矣。因授與法華三昧。三七日誦經。至於藥王本事品。是真精進。是真法供養。至此句時。身心豁然。寂而入定。照了法華。若曦和臨於萬象。達諸法相。如清風遊於太虛。將證白師。師曰。非汝不證。非吾莫識。汝所證者。是法華三昧。前方便得。旋陀羅尼。汝於說法人中。最為第一。後弘法鄴都。屈伏時匠。晚入天台。降魔進行。化緣既息。於新昌大石像前。示疾告滅。弟子請問生方。乃曰。吾諸師友。皆從觀音而來迎我。及夜侍人見有佛至。倍大石像。臨終

說諸法門。令唱無量壽經。及觀經題目。乃顧大眾。合掌讚曰。四十八願莊嚴淨土。華池寶樹。易往無人。火車相現。一念改悔。尚得往生。況戒定熏修。聖行道力。實不唐捐。言訖。稱三寶名。奄然而滅。後有僧求知生處。乃夢觀音金容數丈。智者從後而語。僧曰。汝疑決不再驗。智者生西方矣。

此京師善導和尚

正派

釋善導。唐貞觀中。周遊寰宇。求訪道津。見西河綽禪師。行方等懺。及淨土九品道場。講觀經。導大喜曰。此真入佛之津要。修餘行業。迂僻難成。唯此觀門。速超

生死。吾得之矣。於是篤勤精苦。若搥頭然。續至京師。擊發四部弟子。無問貴賤。俛屠沾輩。亦激悟焉。導每入佛室。合掌胡跪。一心念佛。非力竭不休。乃至寒冷。亦須流汗。此相狀表於至誠。出即為人說淨土法。化諸道俗。令發道心。修淨土行。無有暫時。不為利益。二十餘年。無別寢處。不暫睡眠。除洗浴外。未嘗脫衣。般舟行道。禮佛方等。專為己任。護持戒品。纖毫不犯。未嘗舉目視女人。絕意名利。遠諸戲笑。所行之處。淨身供養。飲食衣服。四事饒益。皆不自享。並將迴施。好食送大廚。供養徒眾。唯食麤惡。以自支身。乳酪醍醐。皆

不飲噉。諸有願施。將寫阿彌陀經十萬餘卷。所畫淨土變相三百餘壁。所至見壞伽藍。及故磚塔寺。皆悉營造。燃燈續明。歲不絕。三衣瓶鉢。不使人持洗。始終無改。化諸有緣。每自獨行。不共衆去。恐與人行。談論世事。妨修行業。其有暫申禮謁。聞說少法。或得同預道場。親承教訓。或曾不見聞。披尋教義。或展轉授淨土法門者。京華諸州。僧尼士女。至有投身高嶺。或委命深泉。或自墮高枝。焚身供養。畧聞遠近。百餘人。諸修梵行。棄捨妻子。誦阿彌陀經十萬至三十萬遍者。念阿彌陀佛。日得一萬五千至十萬遍者。及得念佛

三昧。往生淨土者。不可知數。或問導曰。念佛之善。生淨土耶。對曰。如汝所念。遂汝所願。於是導乃自念阿彌陀佛。如是一聲。則有一道光明。從其口出。十聲至千百聲。光亦如之。導謂人曰。此身可厭。諸苦逼迫。情僞變易。無暫休息。乃登所居寺前柳樹。西向願曰。願佛威神。驟以接我。觀音勢至。亦來助我。令我此心。不失正念。不起驚怖。不於彌陀法中。少生退墮。願畢於其樹上。端身立化。時京師士大夫。傾誠歸信。咸收其骨以葬。高宗皇帝。知其念佛口出光明。又知捨報之時。精至如此。賜寺額爲光明焉。天竺式懺主畧傳云。

阿彌陀佛化身。自至長安。聞涯水聲。和尚乃曰。可教念佛。遂立五會教。廣行勸化。人有至信者。見和尚念佛。佛從口出。三年後滿。長安城內。皆受化念佛。事見別傳。後有法照大師。卽善導後身也。德宗時。於并州行五會教。化人念佛。帝於長安常聞東北方有念佛聲。遣使尋覓。至大康。果見照師。勸人念佛。遂迎入內。用劉球繩牀。教宮人五會念佛。事彰本傳矣。

金臺法照大師

正派

釋法照。唐大曆二年。棲於衡州雲峯寺。慈忍戒定。爲時所歸。一旦於僧堂食鉢中。覩五色雲。雲中有寺。寺

之東北。有大山。山有澗。澗北有石門。門去可五里。復有一寺。金榜題曰。大聖竹林寺。照雖目覩。而其心內尙懷隕穫。他日食時。復於鉢中。見五色雲。雲現數寺。無有山林穢惡。純金色界。池臺樓觀。衆寶間錯。萬菩薩衆。而處其中。中有諸佛。嚴淨國土。種種勝相。照欣所見。因訪問之。有嘉延曇暉二僧曰。聖神變化。不可以凡情測。若論山川面勢。乃五臺爾。四年夏。照於衡州湖東寺。啓五會念佛道場。其年六月二日。五色祥雲。彌覆其寺。雲中亦有樓閣。閣上有數梵僧。身可丈餘。執錫行道。又見阿彌陀佛。與二菩薩。其身高大等。

蓮宗寶鑑卷四
虛空界。日既暮矣。照於道場之外。遇老人曰。汝先發願於金色界。禮覲大聖。今何輒上。照曰。時艱路難。不止如何。老人曰。但能亟去。則去之。何其艱也。照未暇對。老人失焉。照以所見勝異。重發願曰。願以此身奉覲大聖。雖復火聚水河。終無退惰。其年八月十三日。與同志數人。由南嶽前去。果無艱險。五年四月五日。至五臺縣。遙見寺南。有數道光。六日達佛光寺。一如鉢中所見。畧無差脫。是夜四更。復有異光。北來射照。照不知所裁。乃問曰。此何祥也。吉凶焉在。僧云。此大聖不思議光。照汝身心。何乃問也。照聞之。卽具威儀。

前詣一寺。寺之東北可五里。果有山。山有澗。澗北有石門。門旁有二童子。一稱善財。一稱難陀。引照入門。北行幾五里。見一金門。門上有樓。其樓之側。復有一寺。寺門有大金牓。題曰大聖竹林寺。寺之方圓可二十里。一百餘院。院院皆有寶塔。黃金爲地。華臺玉樹。充滿其中。照入寺之講堂。見文殊在西。普賢在東。皆距師子高座。照於二菩薩前。作禮問者。末代凡夫。智識淺劣。佛性心地。無由顯現。未審修行於何法門。最爲其要。惟願大聖斷我疑網。文殊曰。汝所請問。今正是時。諸修行門。無如念佛。我於過去劫中。因念佛故。

得於一切種智。是故一切諸法。般若波羅蜜多甚深。禪定乃至諸佛正徧知海。皆從念佛而生。照曰。當云何念。文殊曰。此世界西有阿彌陀佛。彼佛願力。不可思議。汝當繼念。令無間斷。命終之後。決定往生。說是語時。一大菩薩。舒金色臂。以摩照頂。與授記曰。汝以念佛。不思議故。畢竟證無上覺。若善男女。願疾出離。應當念佛。時二菩薩。互說伽陀。照得聞曰。益加踊躍。文殊又曰。汝可往詣諸菩薩院。巡禮以承教授。照如其言。歷請教授。次至七寶華園。從其園出。於大聖前。作禮辭退。且見向者善財難陀二童子。送至門外。照

復作禮。舉頭若失。至十三日。照與五十餘僧。往金剛窟。無著見大聖處。忽見其地。廣博嚴淨。琉璃衆寶。以成宮殿。文殊普賢。可萬菩薩。佛陀波利。亦在其中。照得見已。隨衆歸寺。其夜三更。於華嚴院之西樓。又見寺東巖壑之畔。有五枝燈。大方尺餘。照曰。願分百燈。以歸一面。燈分如願。重願分爲千炬。炬亦如之。行行相當。光光相涉。光中殊異。徧於山野。照又前詣金剛窟。願見大聖。殆其三更。見一梵僧。自稱佛陀波利。引之入寺。至十二月朔日。於華嚴院。入念佛道場中。載念文殊普賢二菩薩。謂我畢竟證無上覺。又復記我。

念阿彌陀佛。決定往生。於是一心念佛。正念佛時。倏見前來梵僧入道場云。汝之淨土。華臺現矣。後三年華開。汝當往矣。然汝所見竹林諸寺。何爲不使羣生共知。照聞之憶念昔時所見。因得命匠刻石。兼於所見竹林寺處。特建一寺。號竹林焉。寺之工畢。照曰。吾事畢矣。吾豈久滯於此。不累日而卒焉。

睦州少康法師

正派

師縉雲仙都人。母羅氏。游鼎湖峯。得玉女捧青蓮華授之。且曰。此華吉祥。授之於汝。當生貴子。及生康日。青光滿室。香似芙蓉。年十有五。誦法華楞嚴等經五

部。尋往越學究毘尼。及聽華嚴瑜伽諸論。貞元初至洛下白馬寺。見殿內文字。累放光明。康不能測。卽探而取之。乃善導昔爲西方化導文也。康曰。若於淨土有緣。當使此文。光明再發。此願未已。果重閃爍。康曰。劫石可移。而我之願未易也。遂之長安善導影堂。大陳薦獻。倏見善導現於空中。謂康曰。汝依吾教。利樂有情。則汝之功。當生安養。康聞如有所證。南適江陵果願寺。路逢一僧曰。汝欲化人念佛。當往新定。言訖而隱。洎到睦州。人未從化。康乃乞錢誘引小兒。曰。能念阿彌陀佛一聲。與汝一錢。小兒務得其錢。念佛者

通宗寶鑑卷四
衆師曰。念佛十聲。乃與一錢。如是一年。大小貴賤。凡見康者。則曰。阿彌陀佛。於是念佛之人。盈溢道路。貞元十年。康於烏龍山。建淨土道場。築壇三級。聚人午夜行道。入道場時。康自陞座。令男女弟子。面西高聲。念阿彌陀佛。衆見師念佛一聲。佛從口出。連念十聲。若聯珠狀。康曰。汝等見佛不如見佛者。決生淨土。其禮佛人。亦有不見佛者。貞元二十一年十月三日。囑累道俗。當於安養。起增進心。於閻浮提。生厭離想。此時見佛。真我弟子。言訖。放異光數道。奄然而逝。塔於臺子巖。天台德韶禪師。重新之後。之人多指其塔爲

善導焉。

善導。四。五。六。七。八。九。十。十一。十二。十三。十四。十五。十六。十七。十八。十九。二十。二十一。二十二。二十三。二十四。二十五。二十六。二十七。二十八。二十九。三十。三十一。三十二。三十三。三十四。三十五。三十六。三十七。三十八。三十九。四十。四十一。四十二。四十三。四十四。四十五。四十六。四十七。四十八。四十九。五十。五十一。五十二。五十三。五十四。五十五。五十六。五十七。五十八。五十九。六十。六十一。六十二。六十三。六十四。六十五。六十六。六十七。六十八。六十九。七十。七十一。七十二。七十三。七十四。七十五。七十六。七十七。七十八。七十九。八十。八十一。八十二。八十三。八十四。八十五。八十六。八十七。八十八。八十九。九十。九十一。九十二。九十三。九十四。九十五。九十六。九十七。九十八。九十九。一百。

垂。省。常。大。師。正派

師諱省常。字造微。顏氏子。錢塘人。十七歲出家。受具戒行。謹嚴。通大乘起信。習天台止觀法門。續廬山遠公遺風。宋淳化中。住杭州西湖昭慶寺。專修淨業。結淨行社。相國向公。王文正公。旦爲社首。士大夫預會。皆投詩頌。自稱淨行弟子。師乃自刺指血和墨書華嚴經淨行品。每書一字。三拜三圍遶。三稱佛名。刊板印成千卷。分施千人。又以梅檀香。雕造毘盧遮那佛像。成而跪地合掌。發誓願云。我與一千大衆。八十比

正始從今日發菩提心窮未來際行菩薩行願盡此報身以生安養國翰林承旨宋白撰碑翰林學士蘇易簡作淨行品序狀元孫何題社客於碑陰孤山圓法師作師行業記中引蘇公序曰子當布髮以承其足剗身以請其法猶無嗔恨沉陋文淺學而有恪惜哉宋公碑曰師慕遠公啟廬山之淨社易蓮華爲淨行之名遠公當衰季之時所結者半隱淪之士上人屬昇平之世所交者多有德之賢方前則名士且多垂裕則津梁曷已因二公之言想當時之盛亦可概見矣天禧四年正月十二日示寂壽六十一。

長蘆慈覺禪師

正派

師諱宗曠號慈覺襄陽人也父早亡母陳氏鞠養於舅氏少習儒業志節高邁學問宏博二十九歲禮眞州長蘆秀禪師出家叅通玄理明悟如來正法眼藏元祐中住長蘆寺迎母於方丈東室勸母剪髮甘旨之外勉進持念阿彌陀佛日以勤志始終七載母臨終際果念佛無疾吉祥而逝師自謂報親之心盡矣乃製勸孝文列一百二十位撰葦江集坐禪箴以遵廬山之規建蓮華勝會普勸僧俗同修念佛導以觀想其次立法預會日念阿彌陀佛自百聲至千聲千

聲至萬聲。回向發願。期生淨土。各於日下。以十字計之。以辦功課。師一夕夢一人。烏巾白衣。風貌清美。可三十許。揖謂師曰。欲入蓮華會。告書一名。師乃取會錄。問曰。何姓名。答曰。普慧。書已。白衣又云。家兄亦告上一名。師曰。令兄何名。答曰。普賢。言訖遂隱。師覺已。謂諸耆宿曰。華嚴經離世間品。有普賢普慧二菩薩。助揚佛法。吾今建會。共期西方。感二大士幽贊。乃以二大士爲會首云。於是遠近皆嚮化焉。

永明壽禪師

正派十一

師名延壽。字冲玄。號抱一子。丹陽人。父王氏。生而早

異。父母有諍。卽從高榻奮身於地。一親息諍。長爲孺。十六歲。獻吳越王。齊天賦。衆推間世之才。欲出家。父母不聽。遂刺心血。濡毫斷葷。終期副心。三十四歲。依龍冊寺。永明大師落髮受具。朝供衆。夜習禪。因覽智度論云。佛世一老人。求出家。舍利弗不許。佛觀此人。曩劫採樵。爲虎所逼。上樹失聲。念南無佛。有此微善。遇佛得度。獲羅漢果。師念世間業繫衆生。不能解脫。惟念佛可以誘化。乃印彌陀塔四十萬本。勸人禮念。一日懺堂遶旋次。忽普賢像前。蓮華在手。因思宿願。進退未決。遂作二紙闡。一曰一心禪定。一曰萬善生。

淨土。中夜冥心。自期曰。於此二途。功行成者。須七度。拈起。並得萬善。生淨土。鬪。一無間隔。於是每日誦經。禮佛。念佛。說戒。施食。放生。日行利益事。一百八件。未嘗暫怠。越王剡淨慈寺。命住持。賜智覺禪師。號會三宗師。德製宗鏡錄。一百卷。萬善同歸集。神棲安養賦。等九十七卷。並行於世。師志誠殷重。專以念佛勸人。同生淨土。世稱宗門之標準。淨業之白眉。臨終預知。時至。殊勝甚多。茶毘舍利。鱗砌於身。嘗有僧死。於冥見閻王殿左。供養畫僧。一燈禮拜勤致。云。是永明壽禪師。此人生西方上品。故禮敬之。

師諱遵式。字知白。姓葉。台州臨海縣人也。號慈雲懺

正派

主。其母乞靈於古觀音。遂生。法師初往東掖山師義全。十八祝髮。先於禪林寺習律。繼入國清普賢像前。燃指誓習台教。學高行苦。名冠二浙。博習教觀。專志安養。嘗要期般舟三昧九十日。素苦學。嘔血。處道場。兩足皮裂。所以死自誓。忽一日。恍若夢寐。見白衣觀音。垂手指口中。引出數蟲。又指間出甘露。注其口。身心清涼。自此宿疾頓愈。出懺頂相。高寸餘。雙手下垂。過膝。聲如鳴鐘。皆與舊異。衆皆歎仰之。師建下天竺

寺數百間。三經賊難。每焚而火自滅。乃願力堅固所致。師當化之日。山中人見大星殞於靈鷲峯。度弟子百人。學徒千數。臨終卽炷香瞻像而祝之日。十方諸佛。同住實際。願住此實際。受我一炷之香。諸佛證明。往生安養。或問其所歸者。以淨土寂光對之。至其夕坐終。當天聖年間也。壽六十九。臘五十。著往生淨土決疑行願二門。及淨土懺法。金光明觀音諸本懺儀行於世。天台風教益盛於吳越者。實資夫天竺慈雲之德也。觀決疑行願二門。經曰。十方諦求。更無餘乘。唯一佛乘。斯之謂歟。懺主悟本性之常寂光。履唯心

之佛土淨。自利利他。事理無礙。著述數百篇。每發言皆以淨土爲歸向之宗。大闡諸經教理。普化一切。自懺文傳流於世。往生淨土者。不知其幾千萬人。繼天台之道。贊淨土之化。世未有也。

文潞公傳

正派
十三

公姓文。諱彥博。守洛陽。嘗致齋往龍安寺。瞻禮聖像。忽見像壞墮地。畧不加敬。但瞻眎而出。旁有僧曰。何不作禮。公曰。像旣壞。吾將何禮。僧曰。先德道。譬如官路土。人掘以爲像。智者知路土。凡人謂像生。後時官欲行。還將像填路。像本不生滅。路亦無新故。公聞之。

有省。由是慕道甚力。專念阿彌陀佛。期生淨土。晨昏
夜坐。未嘗少廢。每發願曰。願我常精進。勤修一切善。
願我了心宗。廣度諸含識。每見一切人。則勸以念佛。
誓結十萬人緣。同生淨土。如如居士有頌贊曰。知公
膽氣大如天。願結西方十萬緣。不爲一身求活計。大
家齊上渡頭船。

潞府宗坦疏主

正派十四

師俗姓申氏。本貫潞州黎城人也。自幼年於本州延
祥院出家。禮僧道恭爲師。年十六落髮授具。少通義
學。爲時所稱。長而徧訪名師。廣弘知見。自爾講林德

譽。垂五十年。以大藏爲遊息。以圓頓作門庭。先講圓
覺等經。後集圓覺十六觀經等疏。老年多於唐鄧汝
潁之間。講淨土觀經。兼勸人念佛。求生安養。是時聽
者如雲。皆稟淨業。後於唐州青臺鎮。誓求安養。念佛
觀想。以爲常住。三業四儀。未嘗暫忘。大宋政和四年
四月二十七日。忽於夢中。見彌陀化佛。告曰。汝說法
只有六日。在後當生淨土也。師覺白衆曰。吾修求安
養。似得因緣相應。適來化佛。告我得生淨土。敢不信
乎。次日雖覺不豫。講唱不輟。於當年五月初四日丑
時。自知時至。乃鳴鐘集衆。告曰。因緣聚散。固當有時。

淨土勝緣。唯憑時刻。幸望大眾念佛助往。又告曰。享年七十六。四大分離處。淨土禮彌陀。永超三界苦。言訖坐滅。滿空雷鳴。白雲覆地。從西而來。三日方歇。師先有瑪瑙念珠一串。臨終蟠於指上。衆人竟不能取。感應事繁。如別處說。

慈照宗主

正派十五

師諱子元。號萬事休。平江崑山茅氏子。母柴氏。夜夢佛一尊入門。次旦遂生。因名佛來。父母早亡。投本州延祥寺。志通出家。習誦法華經。十九歲落髮。習止觀禪法。一日正定中。聞鴉聲悟道。乃有頌曰。二十餘年

紙上尋。尋來尋去轉沉吟。忽然聽得慈鴉叫。始信從前錯用心。於是利他心切。發廣度願。乃慕廬山遠公蓮社遺風。勸人皈依三寶。受持五戒。一不殺。二不盜。三不淫。四不妄。五不酒。念阿彌陀佛五聲。以證五戒。普結淨緣。欲令世人淨五根。得五力。出五濁也。乃撮集大藏要言。編成蓮宗。晨朝懺儀。代爲法界衆生。禮佛懺悔。祈生安養。後往澱山湖。創立蓮宗懺堂。同修淨業。述圓融四土三觀。選佛圖。開示蓮宗眼目。四十六歲。障臨江州。逆順境中。未嘗動念。隨方勸化。卽成頌文。日日西行集。乾道二年。壽聖高宗詔至德壽殿。

演說淨土法門。特賜勸修淨業。蓮宗導師慈照宗主。就錢塘西湖昭慶寺祝聖謝恩。佛事畢。回平江。嘗發誓言。願大地人。普覺妙道。每以四字爲定名之宗。示導教人。專念彌陀。同生淨土。從此宗風大振。師集彌陀節要。法華百心證道歌。風月集。行於世。三月二十三日。於鐸城倪普建宅。告諸徒曰。吾化緣已畢。時當行矣。言訖。合掌辭衆。奄然示寂。二十七日。荼毘。舍利無數。塔於松江。力及市五港。吾覺昌宅。勅謚最勝之塔。

宋朝無爲子楊提刑

正派十六

公諱傑。字次公。無爲郡人。道號無爲子。雄才俊邁。年少登科。官至尙書主客郎。提點兩浙刑獄事。而又尊崇佛法。明悟禪宗。江西臨濟下棒喝之輩。猶謂常流。復闡揚彌陀教觀。接誘方來。括其所談。乃謂衆生根有利鈍。其近而易知。簡而易行者。唯西方淨土也。但能一念觀念。總攝散心。仗彌陀願力。直超安養。更無他趣。决取成功矣。龍樹所謂易行之道。依他力故也。公作天台十疑論序。王古直指淨土决疑集序。法寶僧監彌陀寶閣記。安樂國三十讚。備陳西方要津。誠爲萬世往生龜鑑矣。公有輔導集。專記佛乘。東坡作

序其畧曰。無為子宿稟靈機。徧叅知識。凡所謂具爍羅眼者。次公目擊而道存焉。公晚年作監司郡守。乃畫丈六彌陀尊像。隨行觀念。至壽終時。感佛來迎。端坐而化。辭世頌曰。生亦無可戀。死亦無可捨。太虛空中之乎者也。將錯就錯。西方極樂。宣和中有荆王夫人。神遊淨土。見公坐蓮華上。則往生必矣。然則本朝士大夫。洪贊淨方。入正定聚者。唯公洎王敏仲侍郎二人而已。豈非天欲久其道。世必生其人者歟。

龍舒居士王虛中 正派 十七

國學進士王日休字虛中。君自行之智。化他之悲。已

見張于湖序文。茲不再述。公龍舒人。有淨土文。因以為號。其文盛行天下。修淨業者。莫不覽之。乾道中。廬陵李彥弼染時疾。垂革。棺槨已備。忽夢一人。神清貌古。以手按摩肢體。弼驚問。荅曰。子龍舒居士也。弼因以疾告。公曰。汝起食白粥。即差矣。又曰。汝遠記闕仲雅教。汝捷徑不。弼曰。每日念佛不輟。弼覺。因索白粥食之。病果愈。後見公畫像。儼如夢睹。弼敬重公。稱生死骨肉。遂遣子姪。遠從其學。一日。忽迴曰。居士於某夜講書罷。如常禮念。至三鼓。忽厲聲稱阿彌陀佛。數聲。唱言佛來接我。屹然立化。邦人此夜有夢。二青衣

引公西行者。又三日前徧別道友。勉修淨業。有不復相見之語。噫。自非了唯心本性之道。達生死變化之數。不臻于是。或疑李之夢。因想以成。弼曰。其指白粥愈病。又安可欺哉。時丞相益國公周必大。睹君奇跡。製爲之贊曰。皇皇然而無求。惕惕然而無憂。憫頽風之將墜。攬衆善以同流。導之以仁義之源。誘之以寂滅之樂。世知有作而莫識其無爲。故中道奄然而示人以真覺。李君謹愿無以報德。遂刊公像并事跡以傳遠。自是廬陵家家供事之。

真派
儀真王侍郎
十八

王侍郎諱古。字敏仲。東都人也。曾任尚書禮部侍郎。因作發運使。遂居儀真。稟性至仁。寬慈愛物。大弘佛教。開闡化原。曩遇京師。乃尊宿叢林之淵藪。嘗與之論道。及遊江西。黃龍翠巖與晦堂楊岐輩。同爲禪侶。深契宗旨。又悟彌陀淨土法門之勝。博考諸經。深究往生。貫穿經文。發明佛意。乃作直指淨土決疑集三卷。楊次公提刑作敘載之本傳。侍郎纂集大彌陀經四十八願。十六觀經九品往生。馬鳴菩薩大乘起信論。忠國師對肅宗隨意往生念佛三昧寶王論。及諸經論備陳往生淨土要門。該羅具錄。如稱念南無三

十六萬億一十一萬九千五百同名同號阿彌陀佛。亦於藏經中節出。至於諸菩薩論淨土法門之要。皆悉徧集。侍郎平日修行觀念之心。未嘗間歇。數珠持念。常不去手。行住坐臥。悉以西方淨觀爲佛事。有僧神遊淨土。見侍郎與葛繁大夫同在淨土。而作佛事。乃往生安養之證驗也。弘通淨土。開示要津。助阿彌陀。普化一切。自廬山十八賢之後。繼此道以助佛揚化者。獨次公敏仲著名於當時。流傳數百世之下。弘通彌陀大教。廣度攝化之盛。無有窮盡。以晉代朝士之高致。唯二公獨得之。乃能光繼前賢克繼其遺風也。

已上諸祖得道宗師。並係大藏高僧傳。往生傳。寶珠集中錄出。如慈照宗主。道化盛行于世。王臣遺俗悉皆從向。念佛得道者甚衆。及觀諸傳錄中。亦不備載。無文可考。今搜訪慈照宗主事蹟。已入其其餘應有一切在家出家念佛得道名行之士。專候高賢用心尋究實錄。廣爲發揚。卽當補入刊行。庶免埋沒前修之德。抑亦法門之光幸也。

補錄蓮宗三祖承遠大師

承遠不詳其所出。始學於成都唐公。次資川誥公。

至荊州進學於玉泉真公。真公令居衡山設教。人從而化者萬計。始居山西南巖石下。人遺之食則食。不遺則食土泥。羸形垢面。躬負薪爨。凡化人立中道而教之。俾得以疾至。故示專念法門。書塗巷刻谿谷。不勤誘掖。人皆負布帛。斬木石委之巖戶。不拒不營。祠宇既具。是爲彌陀寺。營造之餘。則施與餓疾者。貞元十八年七月十九日。終於寺。年九十一。先是有釋法照者。居廬山。由正定中趨安樂國。見蒙惡衣侍佛者。佛告曰。此衡山承遠也。出而求之。肖焉。乃從之學。傳教天下。照在代宗時爲國

師言其師有至德。天子南嚮而禮焉。度其德不可徵。乃名其居曰般舟道場。柳宗元爲製碑立石。寺

門之右。

淨土聖賢錄

補錄蓮宗八祖蓮池大師

祿宏。字佛慧。號蓮池。杭州仁和沈氏子也。年十七補諸生。以學行稱。鄰有老嫗。日課佛名數千。問其故。嫗曰。先夫持佛名。臨終無病。與人一拱而別。故知念佛功德。不可思議。宏自此棲心淨土。書生死事大。四字於案頭。以自策。年三十一出家。謁徧融。笑巖諸大老。參念佛者。是誰。有省。隆慶五年乞食。

雲棲見山水幽絕居焉。山故多虎。爲放瑜伽談口。虎不爲患。歲亢旱。居民乞禱雨。曰。吾但知念佛。無他術也。衆固請乃持木魚。出循田塍。行唱佛名。雨隨注。如足所及。衆悅相與庀材造屋。衲子尸附。遂成叢林。宏主張淨土。痛斥狂禪。著阿彌陀疏鈔。融會事理。統攝三根。至爲淵奧。時有曹魚者。致書雲棲略曰。夫釋尊有三藏十二部教。於廣大海。張衆多網。又所謂大困小困也者。談大以該小。詎可舉一而廢多。比吾黨中有呬。歷劫成聖。必漸無頓之說者。夫漸亦聖說。未嘗不

是。而以漸廢頓。左矣。尊者內秘頓圓。而外顯淨土法門。諸佛有然。無足疑者。奈近來聽衆。直欲以彌陀一聖。而盡廢十五王子。以淨土一經。而盡廢三藏十二部。則不佞之所不願聞也。時雖末法。而斯人之機。豈無利鈍。有如釋尊。爲迦葉。爲憍陳如。其說如此。爲善財。爲龍女。其說如彼。二十五聖。各證圓通。文殊所稱。又如彼。正所謂昨日定。今日不定。又所謂說我是空。且不是空。說我是有。且不是有。此所以爲善無常主。活潑潑地。如水上按葫蘆然。倘釘椿守窟焉。利人天。所願尊者。爲大衆衍淨教。

遇利根指上乘圓融通達。不滯方隅。俾鵬鷲並遶。不亦盡善盡美哉。又佛華嚴。乃無上一乘圓教。如來稱性之極談。尊者乃與彌陀經並稱。已似未妥。因此遂有著論騰之架。淨土於華嚴之上者。朱紫遞淆之謂何。亦願尊者爲淨土根人說淨土。爲華嚴根人說華嚴。毋相誚。亦毋相濫。乃爲流通佛乘。乃爲五教並陳三根盡攝。奈之何必刻舟而求劍。且彈雀而走鷄也。宏報書曰。夫華嚴具無量門。求生淨土。華嚴無量門中之一門耳。就時之機。蓋由此一門而入華嚴。非舉此一門而廢華嚴也。來論

謂不肖以彌陀與華嚴並稱。因此遂有著論駕淨土於華嚴之上者。此論誰作乎。華嚴如天子。誰有駕諸侯王大臣百官於天子之上者乎。然不肖亦未嘗並稱也。疏鈔中特謂華嚴圓極。彌陀經得圓少分。是華嚴之眷屬流類。非並也。又來論謂宜隨機演教。爲宜淨土人說淨土。宜華嚴人說華嚴。此意甚妙。然中有二義。一者千機並育。乃如來出世事。非不肖所能。故曹溪專直指之禪。豈其不通餘教。遠公擅東林之社。亦非止接鈍根。至於雲門法眼。曹洞瀉仰。臨濟。雖五宗同出一原。而亦授受稍

別門庭施設。理自應爾。無足恠者。况不肖凡品乎。若其妄效古人。昨日定。今日不定。而漫無師承。變亂不一。名曰利人。實悞人矣。何以故。我爲法王。於法自在。平民號曰國王。不可不慎也。二者說華嚴。則該淨土。說淨土亦通華嚴。是以說華嚴者。自說華嚴。說淨土者。自說淨土。固並行而不相悖。今人但知華嚴廣於極樂。而不知彌陀卽是遮那也。又龍樹於龍宮。而出華嚴。而願生極樂。普賢爲華嚴長子。而願生極樂。文殊與普賢同佐遮那。號華嚴三聖。而願生極樂。咸有明據。皎如日星。居士將提

唱華嚴以風四方。而與文殊普賢龍樹違背。此又不肖之所未解也。况方山列十種淨土。極樂雖曰是權。而華嚴權實融通。理事無礙。事事無礙。故娑房殺地。無非清淨道場。而况七寶莊嚴之極樂乎。婆須無厭。皆是古佛作用。而况萬德具足之彌陀乎。居士遊戲於華嚴。無礙門中。而礙淨土。此又不肖之所未解也。不肖與居士同爲華藏。莫逆良友。而居士不察。區區之心。復欲拉居士爲蓮胎骨肉。弟兄。而望居士之不我外也。魯川復致書曰。諸不了義經論。別行普賢行願品。與起信等論。皆稱說

淨土。此豈無因。然華嚴經中未嘗及之。卽方山所列第十淨土更晰也。法華鱗差十六王子。內有彌陀。未嘗定爲一尊。其贊持經功德。旁援安樂。實說女人因果。首楞嚴二十五聖證圓通。文殊無所軒輊。但云方便有多門。又云順逆皆方便。然繼以遲速不同。倫則於無軒輊中。又未嘗無指歸也者。故要極於普門而不推翊夫勢至。更加貶剝。曰無常。曰生滅。若夫賢首清涼諸師。亟標小始終頓圓五教。僉以爲允。而未嘗品及淨土。心宗家流。尤所蕩掃。如齊己禪師曰。唯有徑路修行。依舊打之。遶但

念阿彌陀佛。念得不濟事。又曰。其或準前捨父逃去。流落他鄉。東撞西磕。苦哉阿彌陀佛。此等語言。或以爲苛。然豈無謂而彼言之。亦必有道矣。所以達者。亟道祇劫辛苦修行。不如一念得無生法忍。又道一念緣起無生。超出三乘權學。况無論三乘一乘。要之無我我所。今之往生淨土者。我爲能生。土爲所生。自他歷然。生滅宛然。欣厭紛然。所未及。悉願從來談淨土者。必曰華開見佛。悟無生。蓋必往生而見彌陀。始從觀音若勢至。抑或彌陀。誨以無生。此時方悟。似爲迂遲。再華嚴性海。所現全身。

蓮宗寶鑑卷四
如人身中有八萬四千毛孔。東藥師。西彌陀。各各
在一毛孔中。說法度生。倘拋撮全身。入一毛孔。不
但海漚倒置。而蠅投臆紙。其謂之何。昨不佞手疏
所云。爲宜淨土人說淨土。爲宜華嚴人說華嚴。自
謂不悖。諸佛法門。亦是爲尊者赤心片片。尊者乃
欲攜我入蓮胎。則昔人所云捉物入迷津。與夫棄
金擔草之謂矣。尊者會下聽衆。自杭過蘇者。罔弗
津津九品。閒與之言。稍涉上乘。則駭心瞪目。或更
笑之。此其過在弟子耶。在師耶。大丈夫氣宇冲天。
度生爲急。既出世矣。開堂矣。敷座矣。不具大人作

略。祇作閭巷老齋公老齋婆舉止。忽被伶俐人間
著明眼人。拶著擬向北斗裏潛身耶。抑鐵圍山裏
潛身耶。佛法大事。非同小可。願尊者重厝意焉。宏
又以書復曰。辱惠書。元詞妙辯。汪洋層疊。誠羨之
仰之。然竊以爲愛我深。而詞太費也。果欲揚禪宗
抑淨土。不消多語。曷不曰。三世諸佛。被我一口吞
盡。旣一佛不立。何人更是彌陀。又曷不曰。若人識
得心。大地無寸土。旣寸土皆無。何方更有極樂國。
只此二語。來論攝無不盡矣。茲擬一一酬對。則恐
犯鬪爭。不對則大道所關。終不可默。敢略陳之。來

論謂不了義經乃談說淨土。而以行願品起信論當之。起信且止。行願以一品。而攝八十卷之全經。自古及今。誰敢議其不了義者。居士獨尙華嚴。而非行願。行願不了義。則華嚴亦不了義矣。又來論謂法華記往生淨土。爲女人因果。則龍女成佛。亦只是女人因果耶。謂彌陀乃十六王子之一。則毘盧遮那亦只是二十重華藏之第十三耶。居士獨尊毘盧。奈何毘盧與彌陀等也。又來論謂楞嚴取觀音。遺勢至。復貶爲無常生滅。則僑陳如悟客塵二字。可謂達無常契不生滅矣。何不入圓通之選。

誠曰觀音登科。勢至下第。豈不聞龍門點額之喻。爲齊東野人之語耶。又來論謂齊己禪師。將古人念佛偈逐句著語。其曰。唯有徑路修行。則著云。依舊打之遶。其曰。但念阿彌陀佛。則著云。念得不濟事。居士達禪宗。何不知此是宗師家。直下爲人解粘去縛。乃作實法會而死在句下耶。果爾。古人有言踏毘盧頂上行。則不但彌陀不濟事。毘盧亦不濟事耶。此等語言。語錄傳紀中。百千萬億老朽四十年前。亦曾用以快其唇吻。雄其筆劄。後知慚愧不敢復然。至於今。猶赧赧也。又齊己謂求西方者。

捨父逃逝。流落他鄉。東撞西磕。苦哉阿彌陀佛。往應之曰。卽今卻是如子憶母。還歸本鄉。捨東得西。樂哉阿彌陀佛。且道此語。與齊己所說。相去多少。又來論謂多劫修行。不如一念得無生法。忍居士已得無生法。忍否。如得則不應以我爲能生。以土爲所生。何則。卽心是土。誰爲能生。卽土是心。誰爲所生。不見能生所生而往生。故終日生而未嘗生也。乃所以爲真無生也。必不許生而後謂之無生。是斷滅空也。非無生之旨也。又來論以華開見佛。方悟無生。則爲迂遲。居士達禪宗。豈不知從迷得

悟。如睡夢覺。如蓮華開。念佛人有現生見性者。是華開頃刻也。有生後見性者。是華開久遠也。機有利鈍。功有勤惰。故華開有遲速。安得槩以爲迂遲耶。又來論喻華藏以全身。喻西方以毛孔。生西方者。如撮全身入毛孔。爲海漚倒置。夫大小之喻。則然矣。第居士通華嚴宗。奈何止許小入大。不許大入小。且大小相入。特華嚴十元門之一元耳。舉華藏不可說不可說無盡世界。而入極樂國一蓮華中。尚不盈華之一葉。葉之一芥子地。則何傷於全身之入毛孔也。又來論謂荒山僧。但問以上乘。便

駭心瞪目。居士向謂宜華嚴者語以華嚴。宜淨土者語以淨土。今此鈍根輩。正宜淨土。何爲不與應病之藥。而強聒之耶。又來論謂老朽既出世開堂。不具大人作略。而作老齋公齋婆舉止。被伶俐人問著。明眼人拶著。向北斗裏潛身耶。鐵圍裏潛身耶。老朽曾不敢當出世之名。自應無有大人之略。姑置弗論。而以修淨土者鄙之齋公齋婆。則古人所謂非鄙愚夫愚婦。是鄙文殊普賢馬鳴龍樹也。豈獨文殊普賢馬鳴龍樹。凡遠公善導天台永明等諸菩薩。諸善知識。悉齋公齋婆耶。劉遺民白少

傅柳柳州蘇長公等諸大君子。悉齋公齋婆耶。就令齋公齋婆。但念佛往生者。卽得不退轉地。亦安可鄙耶。且齋公齋婆。庸呆下劣。而謹守規模者。是也。愚也。若夫聰明才辯。妄談般若。喫得肉已飽。來尋僧說禪者。魔也。愚貴安愚。吾誠自揣矣。甯爲老齋公老齋婆。無爲老魔民老魔女也。至於所稱伶俐人明眼人者。來問著拶著。則彼齋公齋婆。不須高登北斗。遠覓鐵圍。只就伶俐漢咽喉處安單。明眼人瞳子上敷座。何以故。且教伊暫閉口頭三昧。回光返照。故抑居士尙華嚴而力詆淨土。老朽業

淨土而極贊華嚴。居士靜中。試一思之。是果何爲而然乎。又來論謂勸已求生淨土。喻如棄金擔麻。是顛倒行事。大相屈辱也。但此喻尙未親切。今代作一喻。如農人投刺於大富長者之門。延之入彼田舍。聞者皆笑之。農人更掃徑謀重請焉。笑之者曰。主人向者不汝責幸矣。欲爲馮婦乎。農人曰。吾見諸富室。有爲富而不仁者。有外富而中貧者。有未富而先驕者。有典庫於富人之門。而自以爲富者。且金谷鄆塢。於今安在哉。而吾以田舍翁享太平之樂。故忘而爲此。今知過矣。於是相與大笑散

去。宏居常廣修衆善。以資淨業。時戒壇久禁不行。宏令求戒者具三衣於佛前受之。爲作證明。又定水陸儀文。及瑜伽噉口。以拯幽冥之苦。開放生池。著戒殺文。從而化者甚衆。萬曆四十年六月杪。忽入城別諸弟子。及故舊曰。吾將他往。還山設茶別衆。衆莫測。至七月朔。晚入堂曰。明日吾行矣。次夕入丈室。示微疾。瞑目坐。城中諸弟子畢至。復開目云。大衆老實念佛。莫捏恠。莫壞我規矩。向西稱佛名而逝。年八十一。淨土聖賢錄

補錄蓮宗九祖省庵法師

實賢字思齊。號省庵。常熟時氏子也。自少不茹葷。出家後參念佛者。是誰有省。曰。吾夢覺矣。掩關眞寂寺三年。晝覽藏文。晚課佛號。詣鄧山禮阿育王塔。嘗以佛涅槃日。大合緇白。廣修供養。然指佛前發四十八大願。卒感舍利放光。作勸發菩提心文。激厲四衆。誦者多爲涕下。晚居杭州僊林寺。雍正七年。結蓮社。爲文誓衆。以畢命爲期。判日課爲二十分。十分持名。九分作觀。一分禮懺。其示禪者。念佛偈曰。一句彌陀頭。則公案無別商量。直下便判。如大火聚。觸之則燒。如太阿劍。撻之則爛。八萬四

千法藏。六字全收。千七百隻葛藤。一刀齊斷。任他佛不喜聞。我自心心憶念。請君不必多言。只要心不亂。十一年臘月八日。告弟子曰。明年四月

其去矣。遂掩關一室。日課佛名十萬聲。明年四月十二日。告衆曰。月朔以來。再見西方三聖。其將往生乎。遂書偈辭衆。明日斷食飲。斂目危坐。五更沐浴更衣。十四日將午。面西寂然。送者麈至。忽張目曰。吾去卽來。生死事大。各自淨心念佛可矣。合掌

連稱佛名。遂逝。年四十九。

淨土聖賢錄

比丘空山助洋三元 諦常助洋二元 跡端

式量 益安 錦慧 善觀 慧行 烈正

各助洋壹元 靜觀堂 靜心堂各助洋壹元

信女屠門潘氏助洋五元 三寶女弟子余善

蓮 陳勝蓮 應智蓮三人合助洋二元敬刻

第四卷願以此功德普及於一切我等與衆生

同生極樂國

廬山蓮宗寶鑑卷五

東林蓮宗善法祖堂勸修淨業 臣僧普度謹編

念佛正信篇第五

念佛正信說 下具五章

夫唯心樂國。普徧十方。自性彌陀。圓融一智。妙應於色聲之境。流光於心目之間。就中反妄歸真。直下背塵合覺。昔我法藏。發弘誓啟。極樂之玄途。故佛世尊。指西方示。韋提之妙域。是乃廣長舌覆。而同贊諸餘。經盡而獨留。蓋以利生之喜捨。心增。應化之慈悲。量大。教分九品。乃別開方便之門。觀明一心。實徑直還。

源之路。聖凡際會。如久客歸於家鄉。感化道交。似稚子投於慈母。昧斯至理。觸類皆迷。信此圓談。事無不達。況復慈光願攝。佛力難思。順水乘船。不勞自力。推門落日。豈有他哉。有願必迎。無機不被。舟石可濟。獄火頓消。菩薩聲聞。生彼者無量無數。前賢後聖。得道者。可檢可尋。鸚鵡頻伽。尚有法音演唱。蜻飛螟動。悉蒙教化恩慈。聖境非虛。佛言不妄。何乃愛河浪底。沈溺而不憂。火宅焰中。焚燒而不懼。密織癡網。淺智之刃。莫能揮。深種疑根。汎信之力。焉能拔。遂卽甘心。以意。幸禍樂災。卻誹清淨之邦。貪戀煩惱之世。焦賊烟

甑。自處餘殃。籠烏鼎魚。翻稱快樂。皆由善力微。而業力勝。信根少。而罪根多。是以三界茫茫。四生擾擾。盡貪生而兀兀。孰解知歸。悉逐業以悠悠。不求出要。過去生死。劫石難窮。未來輪迴。芥城何盡。匪夙生之有幸。豈得遇於斯因。擊鼓開圓圓之門。宜應速出。逢舟濟沈淪之難。詎可遲疑。敬順金文。善隨佛學。不聞不解者。可痛可傷。焉矧茲五濁惡世。四面火焚。惟佛一人。方能救拔。既聞妙法。宜植淨緣。一念信誠。萬德因種。思齊先哲。希悟眞常。普皆如說奉行。盡心頂禮。信受。

經云。得爲人難。六根完具難。生中國難。值佛道難。與信心難。蓋嘗論信之難興者。緣有其疑也。不斷其疑。何由生信。故金剛經云。正信希有。法華經云。以信得入。王龍舒云。佛爲大醫王。能救一切病。不能救命盡者。佛能度一切人。不能度不信者。蓋信者。一念之真誠也。若人心念要去。身則隨去。心念欲住。身則隨住。是知此身隨心念動。有念欲去。而身被牽繫者。色身壞時。惟一念而已。一念到處。則無處不到。所以一念信心念佛求生淨土。則必到淨土。況吾佛世尊諸大

菩薩。又有本誓願力。接引往生乎。或問之曰。今有一生持戒念佛。臨終不得生淨土者。何也。答曰。此蓋信力不深。行願之有虧也。兼不曾發菩提之大心。又不曾斷十惡之邪行。雖曰修行。未嘗言行相應。雖曰念佛。未嘗淨念相繼。既無真實之功。焉得淨土之報也。淨名經云。隨其心淨。則佛土淨。六祖壇經云。心中若無不善。西方去此不遙。若懷不善之心。念佛求生難到。不斷十惡之心。何佛而來迎請。大師故見世人。不務淨心。只此口念佛名。於其心外求佛。妄想執著。而不自淨其心。心造諸惡。是謂自喪其佛。又何更別求

佛哉。所以道迷卽衆生。悟卽佛也。圓通法門云。憶佛念佛。現在當來。必定見佛。蓋憶念者。是心念也。信心清淨。信行願俱備也。楞嚴云。一根旣返源。六根成解脫。十惡化爲十善。六識化六神通。所以正信心中憶念佛。名淨念相繼。自性彌陀現前。此感彼應。臨命終時。安得不見佛而生淨土乎。凡修淨業者。當信佛之言。而行佛之行。心口旣不相違。因果決然不昧耳。若也聞而不信。信而不行。猶畫餅之不充飢也。心旣無信。則生疑謗。旣興疑謗。則自昧其心。自昧其心。則淨土遠之遠矣。故香山周居士述慈照蓮宗懺序云。導

師者。化佛有方。誨人存理。以深信爲能入。破諸闡。專念佛爲行門。令心不亂。加菩提願心爲根本。度脫衆生。備此三者。乃極樂佛土。上上品之可登。毘盧果海。流流而易到也。又云。此事人人本具。箇箇圓成。無信行願三字。因茲淪墜。嗚呼。凡爲人者。不在福德。不在尊貴。不在聰明。不在相貌。但具信行願者。乃生淨土之資糧也。四料揀云。從是西方過十萬億佛土。有世界名曰極樂。是約遠也。若一念信心。念佛卽到西方。是約近也。故云。亦近而亦遠。在人之信願。信不隔絲毫。疑而生死轉。又云。從是西方過迢迢十萬程。資

糧若具足。何愁去不成。是也。所以道。信爲萬善之首。信爲百行之宗。華嚴以十信爲成佛之始。法華以正信爲入道之門。五根以信根爲先。五力以信力爲最。是故三世諸佛。諸大菩薩。歷代祖師。修諸功行。具大願力。入佛境界。成就菩提。未有不從這箇信字而入也。鸞法師遇留支觀經。卽焚仙經。而修淨業。豈不是這信字也。白侍郎行也。彌陀坐也。彌陀不出這信字也。蘇學士佩帶彌陀畫像。行坐隨身。言是西方公據者。蓋亦不出這信字也。張善和一生殺牛。臨終自見地獄相現。遇僧教令念阿彌陀佛。念未十聲。見佛接

引往生淨土。卽脫地獄。豈不是信得及。而致然耶。華嚴經云。信爲道元功德母。信能長養諸善根。信能超出衆魔路。信能得入三摩地。信能解脫生死海。信能成就佛菩提。嗟乎。今時齋人。信持戒而不信念佛。信奉佛。不信往生淨土。是皆自失其大利也。諒哉。人天路上。以福爲先。生死海中。念佛第一。今有欲快樂人天。而不修福。欲出離生死。而不念佛。是猶鳥無翼而欲飛。木無根而欲茂。奚可得哉。凡我同盟。切須深信。諸佛所說。真實非虛。脫苦良方。無如念佛。專修淨業。期出輪迴。時不待人。慎勿疑悔。可謂此身不向今生

蓮宗寶鑑卷五
度更向何生度此身。

勸發信心 正信

夫阿彌陀佛者諸佛中尊。四生之父。歸信者滅罪河沙。稱念者得福無量。凡欲念佛。要起信心。若無信心。空無所獲。是故肇法師云。是事如是者。信之相也。是事不如是者。不信之相也。夫信爲入道之初宗。智爲究竟之玄術。諸經首稱如是者。信也。後曰奉行。者智也。故彌陀經云。若有信者。應當發願。生彼國土。此是釋迦本師勸信處。又云。汝等當信。是稱讚。不可思議功德。此是六方諸佛勸信處。又云。若人種善根。疑則

華不開。信心清淨者。華開卽見佛。此是往生論勸信處。又云。信者順之詞。信則所言之理順。順則師資之道成。經無豐約。非信不傳。此是肇法師勸信處。又云。念佛法門。不問道俗。不論男女。不拘貴賤。修此法者。唯要信心。此是大行和尚勸信處。問曰。旣言信者。未知信何法門。答曰。信意者。信憑經中佛說念佛。定生淨土。信念佛。定滅諸罪。信念佛。定得佛護。信念佛。定得佛證。信念佛。臨終定得佛來迎接。信念佛。不問衆生。同信之人。皆得往生。信念佛。往生定得不退地。信念佛。生淨土。定不墮三惡道。所以勸信念佛。受此法。

持此念。則往生淨土必矣。故大行和尚遺念佛人。心
唯信佛。佛則知之。他心通故。口惟稱佛。佛則聞之。天
耳通故。身惟禮佛。佛則見之。天眼通故。是以大行和
尚。以此念佛法。勸人生信心也。又喻云。信心者。猶如
深栽果樹。根深故。風吹不動。後着果實。濟人飢渴。念
佛之人。亦復如是。要由深信。得到西方。若無信心。空
無所獲。是故經言。十住菩薩。一起信心。念佛之後。縱
遇惡緣。寧捨身命。不退信故。維摩云。深信堅固。猶如
金剛。法珍普照。如雨甘露。念佛三昧。從深信生。君看
淨土恒沙佛。盡是當年正信人。

天竺慈雲式懺主往生正信偈

正信

稽首西方安樂刹

彌陀世主大慈尊

我依種種修多羅

成就往生決定信

住大乘者清淨心

十念念彼無量壽

臨終夢佛定往生

大寶積經如是說

五逆地獄衆火現

值善知識發猛心

十念稱佛卽往生

十六觀經如是說

若有歡喜愛樂心

下至十念卽往生

若不爾者不成佛

四十八願如是說

諸有聞名生至心

一念回向卽往生

唯除五逆謗正法

無量壽經如是說

臨終不能觀及念

但作生意知有佛

此人氣絕卽往生

大法鼓經如是說

一日一夜懸繒蓋

專念往生心不斷

卧中夢佛卽往生

無量壽經如是說

晝夜一日稱佛名

懃懃精進不斷絕

展轉相勸同往生

大悲經中如是說

一日二日至七日

執持名號心不亂

佛現其前卽往生

阿彌陀經如是說

若人聞彼阿彌陀

一日二日若過等

繫念現前卽往生

般舟經中如是說

一日一夜六時中

五體禮佛念不斷

現見彼佛卽往生

鼓音王經如是說

十日十夜持齋戒

懸繒旛蓋然香燈

繫念不斷得往生

大彌陀經如是說

若人專念一方佛

或行或坐七七日

現身見佛卽往生

大集經中如是說

若人自誓常經行

九十日中不坐卧

三昧中見阿彌陀

佛立經中如是說

若人端坐正西向

九十日中常念佛

能成三昧生佛前

文殊般若如是說

我於衆經頌少分

如是說者無窮盡

願同聞者生正信

佛語真實不欺誑

佛既顯言易往生

幸各正信無疑惑

天台智者大師淨土十疑論序

正信四

夫四果之明不能測如來之奧。十地之聖不能窮極果之妙。矧茲凡夫。生無慧目。陷三界有必固之妄。指淨土謬難轉之疑。疑之於身。知五蘊之未滅。疑之於心。知萬惑之未遣。疑之於行。知六度之未濟。由漂沈未濟之行。期濟於已濟之域。在於其已猶惑之。況他

人哉。此物情難信。爲道俗所共疑也。隋智者大師心與物冥。智將神會。乘時翼教。異跡由著。因其所異。考其所證。不知其三賢之人乎。十聖之人乎。其爲應正等覺。妙神化於難思乎。蓋亦思之不能知也。但大師念定總持。昭晰行業。期生淨土。間無容髮。發大師之所有存者。其十疑之文乎。然其文遠取諸經。近取諸論。去就其意。以取諸傳。無離經以備事。無飾辭以增巧。審辭達意。能極九品之所生。乃見大師之用心也。見大師之心者。其於淨土之有疑。所謂高天無雲。羣星列彩。經紀之所相殊。躔次之所相異。粲粲然無一

蓮宗寶鑑卷五
而隱者也。予得其文載念能仁所稱淨土者累焉。諸佛證而成之者。或舌相以覆大千。或潮音而演梵說。余雖陋學。不得以相輝映。烏可無言哉。故於論首。畧陳一二。以罄予所懷。雖辭膚理淺。不足起大師之化。在其先佛證成之義。且有歸矣。

無爲楊提刑直指淨土決疑序

正信五

大願聖人。從淨土來。來實無來。深信凡夫。往淨土去。去實無去。彼不來此。此不往彼。而其聖凡會遇。兩得交際者何也。彌陀光明如大圓月。徧照十方。水澄而清。則月現全體。月非趣水而遽來。水動而濁。則月無

定光。月非捨水而遽去。在水則有清濁動靜。在月則無取捨去來。故華嚴解脫長者云。知一切佛。猶如影像。自心如水。彼諸如來。不來至此。我亦不往彼。我若欲見安樂世界。阿彌陀佛。隨意卽見。是知衆生注念。欲見阿彌陀佛。此乃稱性實言。非權教也。淨土無欲。非欲界也。其國地居。非色界也。生有形像。非無色界也。一切衆生。未悟正覺。處大夢中。六道升沉。未嘗休止。諸天雖樂。報盡相衰。修羅方曠。戰爭互勝。旁生飛走。噉食相殘。鬼神幽陰。飢渴困逼。地獄長夜。痛楚號呼。得生人趣。固已爲幸。然而生老病死。衆苦縈纏。惟

是淨邦。更無諸苦。蓮苞托質。無生苦也。寒暑不遷。無老苦也。身無分段。無病苦也。壽命無量。無死苦也。無父母妻子。無愛別離苦也。上善人聚。無怨憎會苦也。花被香食。珍寶受用。無求不得苦也。觀照空寂。無蘊苦也。悲濟有情。欲生則生。不住寂滅。非二乘也。智照生死。得不退轉。非凡夫也。三界蕩然。譬如四裔。丘陵坑坎。腐穢所積。溪壑阻絕。孰爲津梁。廼有狂人。迷路於此。惡獸魍魎。惱害雜居。刀兵水火。或時傷暴。風霜霹靂。凌厲摧懾。罔知城域。可以庇覆。飲食衣服。未或充足。甘受是苦。不求安樂。有佛釋迦。是大導師。指清

淨土。是安樂國。無量壽佛。是淨土師。爾諸衆生。若生彼土。則無諸惱。不聞知者。固可哀憐。亦有善士。發三種心。不求生者。尤可嗟惜。一曰。吾當超佛越祖。淨土不足生也。二曰。處處皆淨土。西方不必生也。三曰。極樂聖域。我輩凡夫。不能生也。夫行海無量。普賢願見彌陀。佛國雖空。維摩常修淨土。十方如來。有廣舌之讚。十方菩薩。有同往之心。試自忖量。孰與諸聖。謂不足生者。何其自欺哉。至如龍猛祖師也。楞伽經。有預記之文。天親教宗也。無量論。有求生之偈。慈恩通讚。首稱十勝。智者析理。明辨十疑。彼皆上哲。精進往生。

謂不必生者。何其自慢哉。火車可滅。舟石不沈。現華報者。莫甚於張廋。十念而超勝處。入地獄者。莫速於雄俊。再甦而證妙因。世人愆尤。未必若此。謂不能生者。何其自棄哉。般舟三昧經云。跋陀和菩薩問佛。未來衆生。云何得見十方諸佛。佛教令念阿彌陀佛。卽見十方諸佛。寶積經云。他方衆生。聞無量壽如來名。廼至能發一念淨信。歡喜愛樂。所有善根。回向願生彼國者。隨願皆生。得不退轉。此皆佛言也。不信佛言。何言可信。不生淨土。何土可生。自欺自慢。自棄已靈。流入輪迴。是誰之咎。四十八願。悉爲度生。一十六觀。

同歸繫念。一念旣信。已投種於寶池。衆善相資。定化生於金地。毋輒悔惰。誤認疑城。卽時蓮開。得解脫道。唯心淨土。自性彌陀。大光明中。決無魔事。決疑集者。王敏仲侍郎之編也。開釋疑情。徑超信地。其載要旨。最爲詳審。蓋安養國之鄉導也。若登彼岸。舟固可忘。來者問津。斯言毋忽。

廬山蓮宗寶鑑卷五

比丘諦星助洋二元 允言 傳濟 可成

可性各助洋一元 孫朋助錢一千文 諦漢

益純同助錢一千文敬刻第五卷惟願業障

消除淨因增長

一千文並法華五卷

[Faded bleed-through text from the reverse side of the page]

廬山蓮宗寶鑑卷六之附世尊答言眾主長壽對

東林蓮宗善法祖堂勸修淨業臣普度度謹編

念佛正行篇第六之出善於發心土普眾出賤矣容

念佛正行說下具十章

夫常光界本無色象。有應則形。菩提道既闢要途。非

行不至。維摩經云。五百長者子。寶積白佛言。我已發

阿耨多羅三藐三菩提心。願聞得佛國土清淨。願說

菩薩淨土之行。佛言。寶積。眾主。是菩薩淨土肇法師

云。至人空洞無象。應物故形。形無常體。況國土之有

常乎。蓋羣生萬端。行業不同。殊化異彼。致令報應不

一。是以淨者應之以寶玉。穢者應之以砂礫。美惡自彼。於我無定。無定之土。乃曰真土。然則土之淨穢。繫乎衆生。故曰衆生之類。是菩薩淨土也。夫如來淨土者。以無方爲體。故雜行衆生。同視異見。異見。故淨穢所以生焉。無方。故真土所以形焉。若夫取其淨穢者。衆生之報也。本其無方者。佛土之真也。豈曰殊域異處。凡聖二土。然後辨其淨穢哉。道生法師曰。淨土行者。行致淨土。非造之也。若欲造於土者。衆生類矣。容以濫造。不得不先明造本。以表致義。然後說行。羅什法師曰。寶積問淨土之相。世尊答言。衆生是菩薩淨

土者。蓋說果上之因也。清涼國師云。諸佛心內衆生。新新作佛。衆生心中淨土。念念證真。經云。菩薩隨所化衆生。取於淨國土。爲饒益諸衆生。故譬如有人。欲於空地。造立宮室。隨意無礙。若於虛空。終不能成。菩薩如是。爲成就衆生。故願取佛國。非於空也。當知直心。深心。大乘心。是菩薩淨土。肇法師曰。土之淨者。必由衆生。衆生之淨。必因衆行。行淨則衆生淨。衆生淨則佛土淨。此必然之理。不可差也。土無滂曲。乃出於直心。故曰直心是菩薩淨土。直心謂質直無諂。此心乃萬行之本。生法師曰。樹心種德。深固難拔。深心也。

乘八萬行兼載天下不遺一人。大乘心也。此之三心始學之行也。欲弘大道。要先直心。心既真直。然後入行能深。入行既深。則廣運無涯。此三心爲之次序也。備此三心。次修六度。以至萬行。什法師曰。直心者。誠實心也。發心之始。在於誠實。道識彌明。名爲深心。正趣佛慧。名大乘心。經云。布施持戒忍辱精進禪定智慧。是菩薩淨土。四無量心。四攝法。是菩薩淨土。方便是菩薩淨土。三十七品。是菩薩淨土。迴向是菩薩淨土。十善。是菩薩淨土。如是寶積。菩薩隨其直心。則能發行。隨其發行。則得深心。隨其深心。則意調伏。隨意

調伏。則如說行。隨如說行。則能回向。隨其回向。則有方便。隨其方便。則成就衆生。隨成就衆生。則佛土淨。隨佛土淨。則說法淨。隨說法淨。則智慧淨。隨智慧淨。則其心淨。隨其心淨。則一切功德淨。什法師曰。直心以誠心而信佛法也。信心既立。則能發行衆善。衆善既積。其心轉深。深心堅固。則不隨衆惡。棄惡從善。名調伏心。心既調伏。則遇善斯行。遇善斯行。則難行能行。難行能行。則萬善兼具。萬善兼具。故能回向佛道。向而彌進。方便力也。方便之要有三。一善於自行而不取相。二不取證。三善化衆生。具此三者。則得淨土。

土既清淨。則衆生純淨。衆生純淨。則與化主同德。故曰皆淨也。諸經雖廣說淨國之行。未明行之階漸。今此註明至極深廣。不可頓超。宜尋之有途。履之有序。故說發行之迹。始於直心。直心卽是真心。此心者。羣生誰不有之。蓋自迷而不知不覺也。故六祖大師云。一念平直。卽是彌陀。一念邪險。卽是衆生。蓋以人居濁世。現行無明。口說直心。行多諂曲。溺於苦海。而不能出。是故佛慈愍彼。示之以方便。導之以念佛。伏彼亂心。令捨邪險而歸乎正真。卽衆生而生淨土。所以寶王論云。清珠下於濁水。濁水不得不清。佛想投於

亂心。亂心不得不佛。是以因念佛而顯直心。因直心而行衆善。行衆善而得佛淨土。豈非佛祖之方便智力乎。肇法師云。積德者故淨心。心淨則無德不淨。生法師曰。功行則淨土之殊勝因也。功德則淨土之殊妙果也。淨土因果。蓋是心之影響。故云。欲得淨土。必淨其心。所謂聲和響順。形直影端者矣。

修進工夫 正行

淨土唯心之說。既已明矣。人皆知有。必須親到而後已。欲證此道。當以正信爲入門。以修心爲正行。正行者。卽所施之功。所行之行也。此之功行。名爲淨業。卽

往生西方之資糧也。此之行業。隨人所修。蓋一切人。力量有大小。機智有淺深。所以行業不等。上上根智人。直下自悟。識自本心。見自本性。卽是彌陀。此則是如來無住無依。最上乘境界。萬中無一也。其未能頓悟之人。須是諦信淨土。一心念佛。漸次進修。仗阿彌陀佛願力攝持。自己一念真實。下士正如抱橋柱。深洗萬無失一也。雖云念佛一門。其實意含無盡。是故祖師立教。利鈍俱收。有實有權。有深有淺。有頓有漸。皆可修持。上根者。叅究坐禪。中根者。觀想持念。六時修禮。日夜精專。下至十念成功。總在一心履踐。各有

行相。次第階梯。隨力行持。皆可進趨。此之行門。乃成就佛果菩提之道路也。須是自信自行。自修自度。要在立大志。發大願。自辦工夫。努力向前。莫作容易。譬如百二十斤擔子。到臨時及節。自家擔荷得去。方爲了事。決定不在會說會道。廣化人緣上。決定不在有傳有授。扭捏做作上。決定不在廣設道場。多點香燭上。蓋由著事相而迷昧正理。順聲色而違背真宗。數他寶而自無半錢。貨良藥而自疾不救。是故遠祖師云。得其趣者。若暗室之燃燈。失其意者。同滯指之迷月。殊不悟無心乃正。動念皆邪。慧日旋隱。乎昏雲。客

塵轉翳乎心鏡。遂乃念慮交馳。情欲紛競。調伏不息。止制猶繁。落無記者。徒滯於兀然。希有得者。便同諸邪命。指置無從。難言正定。無期入於法界。永久處於塵籠。凡修淨土之人。灼然是要敵他生死。不是說了便休。當念無常迅速。時不待人。須是把做一件事。始得者也。半進半退。似信似疑。到了濟得甚麼邊事。如何出離輪迴。若是信得及。便從今日去。發大勇猛。發大精進。莫問會與不會。見性不見性。但只執持一句南無阿彌陀佛。如靠着一座須彌山相似。搖撼不動。專其心。一其意。或叅念觀念。憶念十念。或默念專念。

繫念禮念。念茲在茲。常憶常念。朝也念。暮也念。行也念。坐也念。心念不空過。念佛不離心。日日時時。不要放捨。綿綿密密。如雞抱卵。常教煖氣相接。卽是淨念相繼。更加智照。則知淨土卽是自心。此乃上智人修進工夫。如此把得定。做得主。靠得穩。縱遇苦樂逆順境界現前。只是念阿彌陀佛。無一念變異心。無一念退惰心。無一念雜想心。直至盡生。永無別念。決定要生西方極樂世界。果能如是用功。則歷劫無明。生死業障。自然消殞。塵勞習漏。自然淨盡無餘。親見彌陀。不離本念。功成行滿。願力相資。臨命終時。定生上品。

其或力量未充。應隨力修旨。未能專一辦功。須亦要朝昏禮念。縱使家緣繁冗。無忘十念稱名。日日用心。猛着精彩。積功積行。發願發心。誓畢此生。同登淨域。可謂水須朝海去。雲定入山歸。

資生助道

正行

在家菩薩。念佛高流。日赴檀信之齋。坐享人天之供。皆非常道。不若治生。有意修行。豈妨作務。或田疇播種。或市井經營。或富有家資。或日求升合。應思勤則不惰。儉則有餘。以此修身。方為佛子。若也奢華懶惰。生事蕭條。雖欲修行。不可得也。信知治世資生。皆順

正法。工巧伎藝。饒益羣生。欲修淨業。正因當以資生助道。所以潭州黃老。常打鐵以修行。居士龐公。賣筮籬而養道。喻彌陀畫像為業。戴佛菴發燭資身。可謂一日不作。一日不食矣。

作福助緣

正行

有淨業弟子。問蓮宗慈照導師云。弟子專修念佛三昧。可得用布施持戒供養作福不。師答曰。汝能專念彌陀。若不持戒。則有毀犯罪。若不布施。則長慳貪業。若不供養三寶。則有我慢業。若不恭敬一切。則有輕人罪。是故毀犯即墮地獄。慳貪即墮餓鬼。我慢則常

在惡道。輕人則世世貧賤。似此惡業障蔽。欲生淨土。其可得乎。如此念佛之人。譬如旱田栽穀。欲望收成。不可得也。故肇法師云。有爲雖僞。棄之則佛道難成。無爲雖真。執之則慧性不朗。汝今欲修念佛三昧。得生淨土。速成佛果。菩提者。須是專以念佛爲正行。更以福德爲兼修。晨夕常勤供養三寶。禮拜懺悔。布施持戒。潔白三業。增助淨緣。諸惡莫作。衆善奉行。所修一切善根。悉皆回向淨土。成就念佛功德。速證菩提。可謂順水行船。更加艣棹矣。

去惡取善

正行

淨土十門教誡云。修淨土人。須是去惡取善。方得成就功德。若人雖念彌陀。嫉妬心盛。名聞尖刀。臨終風刀解身。百骸疼痛。或言我能持戒。他不能行。傲慢師僧。輕毀一切。現生折福短壽。勞病吐血而亡也。若念佛之人。塵垢未淨。惡念起時。須自檢點。或有慳貪心。嗔恨心。癡愛心。嫉妬心。欺誑心。吾我心。貢高心。諂曲心。邪見心。輕慢心。能所心。及諸逆順境界。隨染所生。一切不善之心。設或起時。急須高聲念佛。歛念歸正。勿令惡心相續。直下打併淨盡。永不復生。所有深信心。志誠心。發願回向心。慈悲心。謙下心。平等心。方便

心忍辱心持戒心喜捨心禪定心精進心菩提心及一切善心常當守護更要離非梵行斷惡律儀雞狗猪羊慎毋畜養畋獵漁捕皆不應爲當知極樂國內諸上善人良由捨棄惡緣循行善業獲生淨土不退菩提念佛之人當隨佛學應以去惡取善爲鑑誠焉但能依此修持是爲淨土正行可謂無限野雲風掃盡一輪明月照人心

拔濟幽趣

正行

釋子沙門在家菩薩既修西方淨業當運廣大慈悲如法進修善隨佛教明因識果鑒是別非集出世間

福智資糧圓大丈夫等妙功德是故釋尊再四教誡我諸弟子隨所住處當施法食濟諸法界一切有情除彼饑渴極苦化令同趣菩提若不施食無慈悲心非吾弟子是惡徒衆經有明文詳觀一切衆生不了自性慳貪嫉妬瞋恨愚癡於人天鬼畜之中地獄修羅之內饑渴焦熬愁憂苦惱冥冥長夜求出無期以理推之無非宿生父母如佛所說皆是累劫怨親是以運觀音之慈悲修普賢之行願誓同拔濟悉脫沉淪有力者修齋設供無力者呪食施生施食殊勝廣大無量具足妙利言莫能窮畧舉數端普告賢者施

心一發。妙行全彰。具足三檀。圓修六度。利他自利。自覺覺他。善集出世福智。永作淨土資糧。廣植慈基。圓成體用。乃至埋藏枯骨。掩瘞暴屍。普為幽魂代伸懺悔。橋梁義井。通濟往來。飲食錢財。隨力惠施。每見貧窮凍餒。痛切悲憐。至於孤老癯殘。倍加慈念。常存利濟。曲盡真慈。凡修一切善根。盡願眾生成佛。以茲勝利。回向西方。普冀有情。同登覺岸。是以蕭梁武帝。修水陸之儀。三藏不空。有濟孤之法。可謂一兩周沙界。羣心永夜蘇。

願皆放諸生命

正行

六

欲趣菩提。慈心為本。凡修淨業。濟物為先。觀夫飛禽走獸。水族遊鱗。或挂網羅。或拘籠檻。穿腮反翼。繫足倒懸。將臨湯火之間。欲赴刀砧之上。憂悲恐懼。變懼悼惶。望雲漢以魂消。憶林泉而膽碎。雖知萬死。猶冀一生。顧盼哀鳴。以求救援。所以弟子悲憐。抽財贖命。開籠釋檻。斷縛解懸。施水焚香。合掌呪願。法施事畢。安詳放之。或縱陂池。或賚林野。皆由佛道。展演悲心。乃至上及人倫。下霑螻蟻。但能救死。無不放生。既乃放生。自然長命。因茲勝利。回向西方。普願眾生成佛。所以長者活魚。沙彌救蟻。鄭昌圖焚燒罟網。顛

禪師建立生池。楊寶之療病雀。敏仲之投鰕蜆。元祖師有頌戒殺。滿禪師說戒放生。可謂慇懃爲戒。丁香結。放出枝頭自在春。

六度萬行齊修

正行

六度者。布施持戒忍辱精進禪定智慧六波羅蜜也。若念佛人。專修三昧。學出世間。須達乎至善。要知六度萬行。不出一心。於一心中。一切法俱備。如浴大海。已用諸河水也。如萬種香爲丸。若燒一丸。具足衆味。如人取寶。獲如意珠王。一切衆寶。出生無盡也。何以知其然。執持一句阿彌陀佛。故得三昧。一念之中。與

理相應。諸法現前。六度萬行皆悉具足。布施則心無染著。持戒則不起妄緣。忍辱則能所俱忘。精進則心無間斷。禪定則動靜俱寂。智慧則不立絲毫。乃一度之中。出無量度。度度之內。如帝網羅。但知一心本空。自然萬行具足。是故八萬四千法門。八萬四千智慧。八萬四千功德。皆從一念念佛心中生出也。華嚴經賢首菩薩言。佛子。於一切時中。善用其心。則獲一切勝妙功德。可謂一性圓通一切性。一法徧含一切法。

維摩大士示淨土八法

正行

維摩詰經云。衆香世界菩薩問曰。菩薩成就幾法於

蓮宗寶鑑卷六
此世界行無瘡疣。生於淨土。維摩詰言。菩薩成就入法。於此世界行無瘡疣。生於淨土。何等爲入。饒益衆生而不望報。代一切衆生受諸苦惱。所作功德。盡以施之。等心衆生。謙下無閔。於諸菩薩。視之如佛。所未聞經。聞之不疑。不與聲聞而相違背。不嫉彼供。不高已利。而於其中調伏其心。常省已過。不訟彼短。恒以一心求諸功德。是爲入法。行無瘡疣。生於淨土。

較明修行難易

正行九

娑婆濁境。衆苦集而求道難成。淨土樂邦。諸善聚而位登不退。稱名號者。諸佛護念而往生。發菩提者。彌

陀光照而增進。菩薩羅漢。與其同儔。水鳥樹林。悉念佛。耳畔常聞妙法。心中頓絕貪嗔。快樂無窮。壽何極。一生彼土。便獲阿惟。豈比人天道中。觸目多諸違順。權乘路上。善根希有。周圓地前三賢。尙未見道。而失念。舍利六住。猶遇惡緣而退心。所以法華會上。退席者五千。寶積經中。失道者猶衆。觀佛世尙爾。何今時不然。華嚴合論問曰。如涅槃經云。聞常住二字。尙七劫不墮地獄。華嚴經云。設聞如來名。及與所說法。不生信解。亦能成種。何故第六住心。及地前菩薩。猶言有退。答曰。從凡入道。勝解未成。未得謂得。便生

憍慢不近勝友。不敬賢良。為怠慢故。退處人天。隨違
 順緣。惡念一起。即成地獄。若一信不慢。常求勝友。即
 無此失。何以故。權教中第六住心。地前三賢。總未見
 道。所修行業。皆是有為。凡有無明。皆是折伏。有力即
 不退失。至入地中。始入無功用行。是知三乘之士。歷
 僧祇劫。而功行無成。念佛之門。於彈指頃。而位階不
 退。是以生淨土者。惟善無惡。故位無有退者。決定成
 佛。故彌陀經云。極樂國土。眾生生者。皆是阿鞞跋致。
 是也。嗟乎。初心信淺。非他力難以進修。我佛願深。但
 有緣悉皆攝受。須信餘門學道。如蟻子上於高山。淨
 土往生。似風帆行於順水。彌陀接引。直趣菩提。眾聖
 提攜。高超三界。上品即登佛果。下生猶勝天宮。普信
 勿疑。同修不退。

天台示淨土忻厭二行門正行

十疑論云。欲生淨土。須具厭忻二行。一者厭離行。常
 觀此身。膿血屎尿。惡露臭穢不淨。初觀世人。從情欲
 貪愛生。是種子不淨。二觀父母。赤白和合。是受生不
 淨。三住母胎藏。即是住處不淨。四在母胎時。唯食母
 血。即是食噉不淨。五十月滿足。從產門出。即是初生
 不淨。六內身膿血。即是舉體不淨。七死後。脰脹爛壞。

卽是究竟不淨。觀身既爾。觀人亦然。次觀娑婆穢境。衆苦共集。生老病死。怨憎會苦。愛別離苦。憂悲煩惱。三途八難。六趣輪迴。地水火風。無常敗壞。貪嗔癡慢。遇境生心。應當厭離。纔生厭離。淨土必成。二者忻樂行。求生淨土。爲欲救拔一切衆生苦故。是故希心起想。樂緣西方淨國。百寶莊嚴。金地瓊林。華池光彩。神通自在。任意他方。永絕死生。更無煩惱。阿彌陀佛。相好光明。法門自悟。衣食自然。諸快樂門。故須忻樂。

淨業道場 正行十一

夫淨業者。無相無爲之妙行。不染不滯之妙定。

者。三世諸佛之住持。菩提正覺之闡域。豈名相數量之可測。非智識能所之述乎。得其旨也。以誠敬爲莊嚴。以行願爲軌則。所以維摩詰經中。示道場之衆相。遠祖師法社。有節度之叙文。是以解斯義者。入於實相。境與智合。事與理并。然五分之法身香。炳干光之智慧燭。絕思絕慮。謂之清淨齋戒。曰莊曰嚴。謂之平等供養。行住坐臥。不離已靈。運動施爲。無非佛事。念念彌陀出世。心心菩薩放光。行行盡是西方。步步皆登寶所。無一法而非正法。舉一音而皆圓音。發一念則天龍護持。行一令則魔王喪膽。此則靈山一會。儼

蓮宗寶鑑卷六
然未散。是名眞法。供養如來。論功德則無量無邊。論果報則難思難議。以此祈福則何福不臻。以此度生則有生皆度。是名眞實功德。是名淨業道場。今嗟末代。有等癡人。不究自心。不知佛理。執著外境爲實。一向着相修行。這邊做幾會道場。那裏點幾斤香燭。某處化多少人懺戒。幾時點若干箇化緣。我是張導師傳宗。他是李師長徒弟。彼是普字號。伊是覺字宗。不思根本自何來。名競枝條無是處。更又胡言漢語。動輒是此非他。妄解佛經。密傳僞教。打口鼓子。弄葛藤頭。爭我爭人。論高論下。漏逗不少。出醜甚多。不知羞

恥故如斯。豈識慙惶。胡恁麼。將淨土一實之道。變雜劇場。把彌陀萬德之名。做山歌唱。失却祖師正眼。鈍置蓮宗教門。達人暗地悲傷。識者觀時驚愕。更有敲鐺打鈸念眞言。攙僧門之應副。呪水書符談禍福。狀師巫之所爲。差遣諸天。追亡攝祟。喝罵三寶。救病驅邪。百樣蹊蹺。萬般詫異。腳波波。與他人作奴僕。忙急急。不顧命。趁門徒。讀誦時。十錯九訛。禮念時。七囉八咆。展開經打瞌睡。收起經說家私。聚頭磕腦弄精魂。作隊成羣。乾打闕。不思因果。不顧罪懋。借佛祖廣大法門。受人天禮拜供養。美則固美。善則未善。若是持

佛戒。在佛門。當學如來之道。誦佛經。行佛行。方盡祖師之心。未能入聖超凡。惟恐無德應供。如抹桌布。不無穢污於自身。似磨刀石。未免消磨於本體。若能覺悟。只好回頭。當初投佛持齋。畢竟爲甚麼事。既不能救於生死。爭如自退省修持。專念彌陀。勤求懺悔。近智人叅尋佛理。向靜處體究心王。頓令業海息波濤。顯出驪珠照天地。圓成自己。利益他人。若遇應供道場。慎勿放逸輕慢。依節度以無違。遵齋經而奉法。現前卽得念佛三昧。祇此是箇安樂法門。上可以報答四恩。下可以拔濟三有。實不枉爲佛子。亦免辜負已

靈。性願相資。行解均備。如斯行履。卽現在之彌陀。自此修持。真人天之眼目。是大緣也。豈小補哉。會麼。青山高處見天濶。白藕開時聞水香。

自行化他 正行十二

佛言。自未得度。先欲度人者。菩薩發心。自覺已圓。復覺他者。如來應世。故我蓮宗祖師。創立念佛一門。行解相應。自利利人。化物有方。誨人存理。稱曰導師。專以念佛三昧。示導於人。普令超出世間也。是故教傳天下。人皆仰焉。今之爲師者。不達其道。局於名相。召集徒衆。不修實行。空有人師之名。無法可師於人。欲

蓮宗寶鑑卷六
人恭敬尊重。無德受人恭敬。誠可恥也。經云。凡欲度人者。先須求自度。維摩云。自疾不能救。云何救他疾。又地獄報應經云。自不清淨。教人清淨。無有是處。智度論云。譬如二人。各有親屬。爲水所溺。一人情急。直入水救。爲無方便。彼此俱沒。一人有其方便。往取船。棧。乘之救接。悉皆度脫。水溺之難。是故爲人師者。有度人之心。無度人之智。弗得端然拱手。空腹高心。不肯親近明師。惟知倨傲。受人禮拜。恭敬供養。因貪虛譽。實種禍基。譬如凡夫。妄號帝王。自取誅滅。卽前之所謂無方便而救人也。豈可妄爲哉。大凡爲人之師。

欲度弟子。要當觀照。從上佛祖修行之因地。得道之源流。傳宗之正印。念佛之法門。一一攷究明白。自信自行。一一修持。一一成就。既自利已。然後利人。是乘彌陀之大願力船。救接苦海中之沉溺也。彼此利濟。不亦宜乎。是謂以先覺覺後覺也。自信此法門。亦教人信此法門。自行此道。亦教人行此道。自願往生淨土。亦教人發願往生淨土。自見本性彌陀。亦教人見本性彌陀。如此用心。豈不是行菩薩之行也。師徒弟子。各稟正因。同行正道。展轉化度。盡未來際。一切衆生。俱悟佛乘。同出生死。其功德力。豈易量哉。以此爲

人之師。亦何嫌焉。其或不然。迷悟兩途。正邪異報。可謂金毛窟裏生獅子。野狐巖下出狐狸。

以事檢心

正行十三

永明壽禪師自行錄云。欽惟古聖。罔伐已能。細想前賢。靡彰自德。然釋典有先自行化他之教。儒宗標內舉不避親之文。師常示徒云。因觀弘明集中。先德有檢覆三業門云。夫尅責之情。猶昧審的之旨。未彰故以事檢校心。凡所修習。既知不及。彌增悚慙。何謂檢校。檢校此身。從旦至中。從中至暮。從暮至夜。從夜至曉。乃至一時一刻。一念一頃。有幾心幾行。幾善幾惡。

幾心欲摧伏煩惱。幾心欲降伏魔怨。幾心念三寶四諦。幾心悟苦空無常。幾心念報父母恩慈。幾心願代衆生受苦。幾心發念菩薩道業。幾心欲布施持戒。幾心欲忍辱精進。幾心欲禪定顯慧。幾心欲慈濟五道。幾心欲勸勵行所難行。幾心欲超求辦所難辦。幾心欲忍苦建立佛法。幾心欲作佛化度羣生。上已檢心。次復檢口。如上時刻。從旦已來。已得演說幾句深義。已得披讀幾許經典。已得理誦幾許文字。已得幾迴歎佛功德。已得幾迴回向發願。次復檢身。如上時刻。已得幾迴屈身禮佛。幾拜。已得幾迴屈身禮法禮僧。

已得幾迴執勞掃塔塗地。已得幾迴燒香散花然燈。已得幾迴掃除塵垢。正列供具。已得幾迴懸幡表刹。合掌供養。已得幾迴。遶佛恭敬。十百千市。如是檢察。會理甚少。違道極多。白淨之業。纔不足言。煩惱重障。森然滿目。闇礙轉積。解脫何由。如上檢察。自救無功。何有時閑議人善惡。故須三業自相訓責。知我所作。幾善幾惡。是以若不自先檢責。何以化導羣機。故菩薩爲度衆生故。先自修行。所以淨名經云。資財無量。攝諸貧民。奉戒清淨。攝諸毀禁。以忍調行。攝諸恚怒。以大精進。攝諸懈怠。一心禪定。攝諸亂意。以決定慧。

攝諸無智。又經云。自持戒勸他持戒。自坐禪勸他坐禪。大智度論云。本師釋迦牟尼佛。不捨穿針之福。祖師龍樹菩薩釋云。如百歲翁作舞。何以故。爲教兒孫。故。況未居究竟位。全是自利門。從十信初心。歷十住。十行。十回向。十地。直至等覺。佛前普賢位。猶是自利。利他門者。登妙覺位。至佛後普賢。方是利他之行。因師自說編紀二三。旣對治之行可觀。則攝化之門弗墜。乘戒兼急。權實雙行。體用相收。理事無礙。今引萬善同歸集後偈。以顯圓修。頌曰

菩提無發而發

佛道無求故求

妙用無行而行 眞智無作而作

興悲悟其同體 行慈深入無緣

無所捨而行檀 無所持而具戒

修進了無所起 習忍達無所傷

般若悟境無生 禪定知心無住

鑒無身而具相 證無說而談詮

建立水月道場 莊嚴性空世界

羅列幻化供具 供養心王如來

懺悔罪性本空 勸請法身常住

回向了無所得 隨喜福等眞如

讚歎彼我虛立 發願能行平等

禮拜影現法會 行道步躡眞空

焚香妙達無爲 誦念深通實相

散花顯諸無着 彈指以表去塵

施爲谷響度門 修習空華萬行

深入緣生法性 常遊如幻法門

誓斷無染塵勞 願生唯心淨土

履踐實際理地 出入無礙觀門

降伏鏡像魔軍 大作夢中佛事

廣度如化含識 同證寂滅菩提

廬山蓮宗寶鑑卷六

比丘永春助洋四元 應脩 英忠各助洋二

元 增水 成善 東了 達孝各助洋一元

敬刻第六卷願我命終時盡除諸障得面見阿

彌陀往生安樂刹

[Faint bleed-through text from the reverse side of the page]

